

四庫全書

子部

欽定四庫全書

類經卷二

明 張介賓 撰

陰陽類

陰陽應象

素問陰陽應象大論○一

黃帝曰陰陽者天地之道也

道者陰陽之理也陰陽者一分为二也太極動而生

陽靜而生陰天生於動地生於靜故陰陽為天地之道

萬物之綱紀

大曰綱小曰紀總之為綱

周之為紀物無巨細莫不由之故為萬物之綱紀王氏曰滋生之用也陽與之正氣以生陰為之主持以立者

亦變化之父母

天元紀大論曰物生謂之化物極謂之變易曰在天成象在地成形變化見矣

朱子曰變者化之漸化者變之成陰可變為陽陽可化為陰然而變化雖多無非陰陽之所生故為之父母

生殺之本始

物生殺之道陰陽而已陽來則物生陽去則

來則春為陽始夏為陽盛陽始則溫溫則生物陽盛則

熱熱則長物日從夏至以後自北而南謂之去去則秋

為陰始冬為陰盛陰始則涼涼則收物陰盛則寒寒則

藏物此陰陽生殺之道也然如下文曰陽生陰長陽殺

陰藏則陽亦能殺陰亦能長矣六節藏象論曰生之本

本於陰陽則陰亦能生矣故生於陽者陰能殺之生於

陰者陽能殺之萬物死生皆由乎此神明之府也神變

故謂之本始本根本也始終始也

測也明三光著象也府所以藏物也神明出於陰陽故

陰陽為神明之府此自首節陰陽二字一貫至此義當

聯玩天元紀大論亦有以

治病必求於本

本致病之原也人之疾病

或在表或在裏或為寒或為熱或感於五運六氣或傷於藏府經絡皆不外陰陽二氣必有所本故或本於陰或本於陽病變雖多其本則一知病所從生知亂所由起而直取之是為得一之道譬之伐木而引其柢則千枝萬葉莫得弗從矣倘但知見病治病而不求其致病之因則流散無窮此許學士所謂廣絡原野以冀一人之獲誠哉積陽為天積陰為地陰陽體象大小不同形氣生成不積不厚故必

積陽至大而為天

積陰至厚而為地

陰靜陽躁陰性柔陽性剛也

陽生陰長陽殺

陰藏

此即四象之義陽生陰長言陽中之陰陽也蓋陽不獨立必得陰而後陰藏言陰中之陰陽也蓋陽不獨立必得陰而後

成如發生賴於陽和而長養由乎雨露是陽生陰長也陰不自專必因陽而後行如閉藏因於寒冽而肅殺出乎風霜是陽殺陰藏也此於對待之中而復有五藏之道所謂獨陽不生獨陰不成也如天元紀大論曰天以

陽生陰長地以陽殺陰藏實同此義詳運氣類三所當互考○一曰陽之和者為發生陰之和者為成實故曰

陽生陰長陽之亢者為焦枯陰之凝者為固閉故曰陽殺陰藏此以陰陽之淑慝言於義亦通陽化氣

陰成形

陽動而散故成氣陰靜而凝故成形

寒極生熱熱極生寒

陰寒陽熱乃陰

陽之正氣寒極生熱陰變為陽也熱極生寒陽變為陰也邵子曰動之始則陽生動之極則陰生靜之始則柔生靜之極則剛生此周易老變而少不變之義如人傷於寒則病為熱本寒而變熱也內熱已極而反寒慄本熱而變寒也故陰寒氣生濁熱氣生清寒氣凝滯故生濁陰熱氣升散

故生清陽清氣在下則生飧泄濁氣在上則生臌脹

清陽主升陽衰

於下而不能升故為飧泄濁陰主降陰滯於上而不能降故為臌脹飧泄完穀而泄也臌脹胸膈滿也○飧音

孫臏此陰陽反作病之逆從也作爲也此字承上文治病必求其本以下而言

如陰云長陽云殺寒生熱熱生寒清在下濁在上皆陰陽之反作病之逆從也順則為從反則為逆逆從雖殊皆有其本故必○故清陽為天濁陰為地地氣上為雲求其本而治之

天氣下為雨雨出地氣雲出天氣此下言陰陽精氣之升降以見天人一理

也天地者陰陽之形體也雲雨者天地之精氣也陰在下者為精精者水也精升則化為氣雲因雨而出也陽在上者為氣氣者雲也氣降則化為精雨由雲而生也自下而上者地交於天也故地氣上為雲又曰雲出天氣自上而下者天交於地也故天氣下為雨又曰雨出地氣六微旨大論曰升已而降降者謂天降已而升升者謂地天氣下降氣流於地地氣上升氣騰於天可見天地之升降者謂之雲雨人身之升降者謂之精氣天

人一理此其為最也○氣水同類故清陽出上竅濁陰

出下竅

本乎天者親上本乎地者親下也上竅七謂耳目口鼻下竅二謂前後二陰

清陽發

腠理濁陰走五藏

腠理肌表也陽發散於皮膚故清陽歸之陰受氣於五藏故濁陰走之○

溱音清陽實四支濁陰歸六府

四支為諸陽之本故清陽實之六府傳化水穀

故濁陰

水為陰火為陽

水潤下而寒故為陰火炎上而熱故為陽水火者即陰陽之徵

兆陰陽者即水火之性情凡天地萬物之氣無往而非水火之運用故天以日月為水火易以坎離為水火醫

以心腎為水火丹以精炁為水火夫腎者水也水中生氣即真火也心者火也火中生液即真水也水火互藏

乃至道之所在

陽為氣陰為味

氣無形而升故為陽味有質而降故為陰此以

藥食氣味歸形歸氣歸依投也五味生精血以成形

味言也歸散故形氣歸精氣者真氣也所受於天與穀氣并而

歸於氣聚散故形氣歸精充身者也人身精血由氣而化故氣

精歸於精歸化精者坎水也天一生水為五行之最先故

化神是水為萬化之原故精歸於化精食氣形食味食如子食母乳之義

歸形故化生精萬物化生必從精始故化生精前言精

形食味化生精歸化者言未化之前由精為化也此言

化生精者言既化氣生形氣聚則形生氣味傷形氣傷

之後由化生精也散則形死也味傷形氣傷

精氣既歸精而氣有失調必反傷精化為氣精化為

氣由精而化也珠玉集曰水是三才之祖精為元炁之

根其義即此然上文既云氣歸精是氣生精也而此又

曰精化氣是精生氣也二者似乎相反而不知此正精氣互根之妙以應上文天地雲雨之義也夫陽化氣即雲之類陰成形即雨之類雨乃不生於地而降於天之雲氣歸精也雲乃不出於天而升於地之氣精化為氣也人身精氣全是如此故氣聚則精盈精盈則氣盛精氣充而形自強矣帝所以先舉雲雨為言者正欲示人以精氣升降氣傷於味上文曰味傷形則未有形傷而之如此耳氣傷於味上文曰味傷形則未有形傷而以津脾氣乃絕之陰味出下竅陽氣出上竅味為陰故類是皆味傷氣也故味厚者為陰薄為陰之陽氣厚者為陽薄為陽之陰升此言氣味之陰陽而陰陽之中復各有陰陽也味為陰矣而厚者為純陰薄者為陰中之陽氣為陽矣而厚者為純陽薄者為陰中之陽氣為陽矣而厚者為陽中之陰

陰味下行故味厚者能泄於下薄者能通利陽
氣上行故氣薄者能泄於表厚者能發熱也 壯火之

氣衰少火之氣壯壯火食氣氣食少火壯火散氣少火

生氣

不能天地之陽氣也天非此火不能生物人非此火

生物亢烈之火反害物故火太過則氣反衰火和平則
氣乃壯壯火散氣故云食氣猶言火食此氣也少火生
氣故云食火猶言氣食此火也此雖承氣味而言然造
化之道少則壯壯則衰自是如此不特專言氣味者

氣味辛甘發散為陽酸苦涌泄為陰

此言正味之陰陽也辛散甘緩故發

肌表酸收苦泄故為吐瀉○涌湧同

○陰勝則陽病陽勝則陰病

此下言陰陽偏

勝之為病也陰陽不和則有勝有虧故皆能為病

陽勝則熱陰勝則寒

太過所致重

寒則熱重熱則寒

物極則變也此即上文寒極生熱熱極生寒之義蓋陰陽之氣水極則似

火火極則似水陽盛則隔陰陰盛則隔陽故有真寒假熱真熱假寒之辨此而錯認則死生反掌○重平聲

寒傷形熱傷氣

寒為陰形亦屬陰寒則形消故傷形氣熱為陽氣亦屬陽熱則氣散故傷氣

傷痛形傷腫

氣欲利故傷之則痛故先痛而後腫者氣形有質故傷之則腫

傷形也先腫而後痛者形傷氣也

氣先病而後及於形因氣傷形也形先病

而後及於氣因形傷氣也

風勝則動

風勝者為振掉搖動之病即醫和云風淫末疾之類

則腫

熱勝者為丹毒癰腫之病即醫和云陽淫熱疾之類

燥勝則乾

燥勝者為津液枯涸內外

乾溢

寒勝則浮

寒勝者陽氣不行為脹滿浮虛之病即醫和云陰淫寒疾之類

濕勝則

濡寫脾惡濕而喜燥濕勝者必侵脾胃為水穀不分濡寫之病即醫和云雨淫腹疾之類○濡音如濕滯

也天有四時五行以生長收藏以生寒暑燥濕風四時者春

夏秋冬五行者木火土金水合而言之則春屬木而主生其化以風夏屬火而主長其化以暑長夏屬土而主

化其化以濕秋屬金而主收其化以燥冬屬水而主藏其化以寒五行各一惟火有君相之分此言寒暑燥濕

風者即五行之化也五運行等論人有五藏化五氣以言寒暑燥濕風火者是為六氣也

生喜怒悲憂恐五藏者心肺肝脾腎也五氣者五藏之氣也由五氣以生五志如本論及五運

行大論俱言心在志為喜肝在志為怒脾在志為思故肺在志為憂腎在志為恐天元紀大論亦以悲作思故

喜怒傷氣寒暑傷形喜怒傷內故傷氣寒暑傷外故傷形舉喜怒言則悲憂恐同矣舉寒

暑言則燥濕風同矣上文言寒傷形熱傷氣與此二句
似乎不同蓋彼以陰陽分形氣此以內外分形氣也

暴怒傷陰暴喜傷陽

氣為陽血為陰肝藏血心藏神暴怒則肝氣逆而血亂故傷陰暴喜

則心氣緩而神逸故傷陽如行鍼篇曰多厥氣上行滿
陽者多喜多陰者多怒亦各從其類也

脈去形

厥逆也言寒暑喜怒之氣暴逆於上則陽獨實
故滿脈陽亢則陰離故去形此孤陽之象也脈

經曰諸浮脈無根者死有
表無裡者死其斯之謂

喜怒不節寒暑過度生乃不

固也

故重陰必陽重陽必陰

重者重疊之義謂當陰
時而復感寒陽時而復

感熱或以天之熱氣傷人陽分天之寒氣傷人陰分皆
謂之重蓋陰陽之道同氣相求故陽傷於陽陰傷於陰
然而重陽必變為陰證重陰必變為陽證如以熱水沫
浴身反涼涼水沫浴身反熱因小可以喻大下文八句

即其徵驗此與上文重寒則熱寒極故曰冬傷於寒春

生熱義相上下所當互求○重平聲

必病温冬傷於寒者以類相求其氣入腎其寒侵骨其

則陽氣發越營氣漸虛所藏寒毒外合陽邪而變為温病然其多從足太陽始者正以腎與膀胱為表裏受於陰而發於陽也○愚按傷寒温疫多起於冬不藏精及辛苦饑餓之人蓋冬不藏精則邪能深入而辛苦之人其身常煖其衣常薄煖時竅開薄時忍寒兼以饑餓勞倦致傷中氣則寒邪易入待春而發此所以大荒之後必有大疫正為此也但此輩疫氣既盛勢必傳染又必於虛者先受其氣則有不必冬寒而病者矣避之之法必節慾節勞仍勿忍饑

春傷於風夏生飧泄

春傷於風木氣通於

肝膽即病者乃為外感若不即病而留連於夏脾土夏當令木邪相侮變為飧泄也○飧音孫完穀而泄也

傷於暑秋必痰癘

夏傷於暑金氣受邪即病者乃為暑證若不即病而暑汗不出延至於秋

新涼外束邪鬱成熱金火相拒寒熱交爭故病為痰癘○痰音皆

秋傷於濕冬生欬嗽

夏秋之交土金用事秋傷於濕其即病者濕氣通脾故為濡泄等證若不即病而濕蓄金藏久之變熱至冬則

外寒內熱相搏乘肺病為欬嗽生氣通天論亦云秋傷於濕上逆而欬按此四節春夏以木火傷人而病反寒

秋冬以寒濕傷人而病反熱是即上文重陰必陽重陽必陰之義

故曰天地者萬物之

上下也

天覆物故在上地載物故在下五運行大論曰所謂上下者歲上下見陰陽之所在也以司天

在泉言見運氣類四陰陽者血氣之男女也

陽為氣為男陰為血為女左右者

陰陽之道路也

陽左而升陰右而降五運行大論曰左右者諸上見厥陰左少陰右太陽之類

以司天在泉左右
間氣言見同前
水火者陰陽之徵兆也
徵證也兆見也陰陽不可

見水火即其
證而可見也
陰陽者萬物之能始也
能始者能為變化生成之元始也能

始則能
終矣
故曰陰在內陽之守也陽在外陰之使也
陰性靜故

為陽之守陽性動故為陰之使守者守於中使者運於外
外以法象言則地守於中天運於外以人倫言則妻守

於中夫運於外以氣血言則營守於中衛運
於外故朱子曰陽以陰為基陰以陽為偶

法陰陽
素問陰陽應象大論○二

帝曰法陰陽奈何
法則也以辨病之陰陽也
岐伯曰陽勝則身熱腠

理閉喘麤為之俛仰汗不出而熱齒乾以煩冤腹滿死

能冬不能夏

陽勝者火盛故身熱陽盛者表實故腠理閉陽實於胸則喘羸不得卧故為俛仰汗

閉於外則熱鬱於內故齒乾陽極則傷陰故以煩冤腹滿死陰竭者得冬之助猶可支持遇夏之熱不能耐

矣冤鬱而亂也○腠音湊俛俯同能耐同陰勝則身寒汗出身常清數慄而

寒寒則厥厥則腹滿死能夏不能冬

陰勝則陽衰故身寒陽衰則表不固

故汗出而身冷慄戰慄也厥厥逆也陰極者陽竭於中故腹滿而死陽衰者喜煖惡寒故能夏不能冬也脉要精微論亦曰陽氣有餘為身熱無汗陰氣有餘為多汗身寒見脉色二十一

變病之形能也

更勝逆為勝負也即陰勝陽病陽勝陰病之義形言陰陽之病形能言氣令之

也耐受帝曰調此二者奈何帝以陰陽為病俱能死岐伯

曰能知七損八益則二者可調不知用此則蚤衰之節

也上文言陰陽之變病此言死生之本原也七為少陽之數八為少陰之數七損者言陽消之漸八益者言

陰長之由也夫陰陽者生殺之本始也生從乎陽陽不

宜消也死從乎陰陰不宜長也使能知七損八益之道

而得其消長之幾則陰陽之柄把握在我故二者可調

否則未央而衰矣○愚按陰陽二氣形莫大乎天地明

莫著乎日月雖天地為對待之體而地在天中順天之

化日月為對待之象而月得日光賴日以明此陰陽之

徵兆陰必以陽為主也故陽長則陰消陽退則陰進陽

來則物生陽去則物死所以陰邪之進退皆由乎陽氣

之盛衰耳故生氣通天等論皆專重陽氣其義可知又

華元化曰陽者生之本陰者死之基陰常宜損陽常宜

盈順陽者多長生順陰者多消滅中和集曰大修行人

分陰未盡則不仙一切常人分陽未盡則不死亦皆以

陽氣為言可見死生之本全在陽氣故周易三百八十四爻皆卷卷於扶陽抑陰者蓋恐其自消而剝自剝而盡而生道不幾乎息矣觀聖賢慮始之心相符若此則本篇損益大義又安能外乎是哉○一曰七損八益者乃五言陰陽消長之理欲知所預防也如上古天真論云女得七數男得八數使能知七之所以損則女可預防其損而益自在也能知八之所以益則男可常守其益而損無涉也陰陽皆有損益能知所預防則二者何不可調哉此說亦通按啟玄子註此謂女為陰七可損則海滿而血自下男為陽八宜益交會而精泄以用字解為房事然經血宜調非可言損交會精泄何以言益故馬氏因之而註為採取之說豈此論專為男而不為女耶矧褻狎之訓亦豈年四十而陰氣自半也陰真陰也神聖正大之意哉四十之後精氣日衰陰減其半矣然此言常人之大較至若彭殤椿菌稟賦不齊而太極初中則又各有其句象○愚按

真陰之義即天一也即坎水也丹家謂之元精道書曰
涕唾精津汗血液七般靈物總屬陰又曰四大一身皆
屬陰不知何物是陽精此陽精二字專指神氣為言謂
神心由精而生也又鍾呂集曰真氣為陽真水為陰陽
藏水中陰藏氣中氣主於升氣中有真水水主於降水
中有真氣真水乃真陰也真氣乃真陽也凡此之說皆
深得陰陽之精義試以人之陽事驗之夫施而泄者陰
之精也堅而熱者陽之氣也精去而陽痿則陰之為陽
尤易見也此即陰氣自半之謂故本神篇曰五藏主藏
精者也不可傷傷則失守而陰虛陰虛則無氣無氣則
死矣由此觀之可見真陰者即真陽之本也夫水火皆
宅於命門拆之則二合之則一造化由此而生萬物由
此而出其在人身為性命之根柢為藏府之化原故許
叔微云補脾不若補腎誠獨見之玄談醫家之宗旨也
後世有以苦寒為補陰者伐陰起居衰矣真陰已半
者也害莫甚矣不可不為深察起居衰矣所以衰也年

五十體重耳目不聰明矣

肝受血而能視足受血而能步今精血漸衰故體重而耳

目不聰矣

年六十陰痿氣大衰九竅不利下虛上實涕泣俱

出矣

陰痿陽不舉也陰氣內虧故九竅不利陰虛則陽無所歸而氣浮於上故上實下虛而涕泣俱出

故曰知之則強不知則老

益知謂知損之道

故同出而名異耳

同出者人生同此陰陽也而

智者察同愚者察異

智者所見

皆合於道故察同愚者聞道則笑而各是其是故察異

愚者不足智者有餘

愚者失之

智者得之也

有餘則耳目聰明身體輕強老者復壯壯者益

治此智者有是以聖人為無為之事樂恬憺之能

無為者天

地之道也恬憺者自然之樂也老子曰道常無為而無
不為又曰人法地地法天天法道道法自然夫自然而無
然者即恬憺無為之道也莊子曰天無為以之清地無
為以之寧故兩無為相合萬物皆化芒乎芴乎而無從
出乎芴乎芒乎而無有象乎萬物職職皆從無為殖故
曰天地無為也而無不為也人也孰能得無為哉二子
之言皆本乎此能者如關尹子所謂惟有從欲快志於
道之士能為之亦能能之而不為之義

虛無之守故壽命無窮與天地終此聖人之治身也

從欲

如孔子之從心所欲也快志如莊子之樂全得志也虛
無之守守無為之道也故欲無不從志無不快壽命可
以無窮而與天地同其終矣○愚按聖人之道惟聖人
能之人非生知誠未能也然而效法聖賢則在明哲之
所必不容已者欲得其門當自養心保身始故但能於
動中藏靜忙裏偷閒致遠鉤深庶乎近矣觀譚景昇曰

明鏡無心無物不照昊天無心萬象自馳行師無狀敵
不敢欺至人無慮元精自歸能師於無者無所不之故
鏡以察物物去而鏡自鏡心以應事事去而心自心此
養心之道也南華經曰知道者必達於理達於理者必
明於權明於權者不以物害己故至德者火弗能熱水
弗能溺寒暑弗能害禽獸弗能賊非謂其薄之也言察
乎安危寧於禍福謹於去就莫之能害也淮南子曰得
道之士內有一定之操而外能詘伸卷舒與物推移故
萬舉而不陷所以貴聖人者以其能龍變也此保身之
道也知此二者則躋聖功夫必有能因學而至者矣又
恬憺虛無義
見攝生類二

天不足西北地不滿東南

素問陰陽應象大論○三

岐伯曰天不足西北故西北方陰也而人右耳目不如

左明也地不滿東南故東南方陽也而人左手足不如

右強也

天為陽西北陰方故天不足西北地為陰東南陽方故地不滿東南日月星辰天之四象猶人

之有耳目口鼻故耳目之左明於右以陽勝於東南也水火土石地之四體猶人之有皮肉筋骨故手足之右強於左以陰強於西北也

帝曰何以然岐伯曰東方陽也陽者其精

并於上并於上則上明而下虛故使耳目聰明而手足

不便也西方陰也陰者其精并於下并於下則下盛而

上虛故其耳目不聰明而手足便也

并聚也天地之道東升西降升者為

陽降者為陰陽氣生於子中極於午中從左升而并於上故耳目之明亦在左而左之手足不便也陰氣生於

午中極於子中從右降而并於下故手
足之強亦在右而右之耳目不聰明也
故俱感於邪其

在上則右甚在下則左甚此天地陰陽所不能全也故

邪居之俱兼上下而言也夫邪之所湊必因其虛故在上則右者甚在下則左者甚蓋以天之陽不全

於上之右地之陰不全於下之
左故邪得居之而病獨甚也

天精地形氣通於人

素問陰陽應象大論○四

故天有精地有形天有八紀地有五里

五行精氣成象於天則為七政

二十八宿以定天之度布位於地則為山川河海以成

地之形惟天有精故八節之紀正惟地有形故五方之
里分紀考記故能為萬物之父母乾知大始坤作成物
也里道里也陽以化氣陰以成形

陰陽合德變化見矣故
天地為萬物之父母
清陽上天濁陰歸地
陽升陰降也
是

故天地之動靜神明為之綱紀
神明者陰陽之情狀也
天地動靜陰陽往來即

神明之綱紀也易曰神也者妙萬物而為言者也動萬物者莫疾乎雷撓萬物者莫疾乎風燥萬物者莫熯乎

火說萬物者莫說乎澤潤萬物者莫潤乎水終萬物始萬物者莫盛乎艮故水火相連雷風不相悖山澤通氣

然後能變化既成萬物者故能以生長收藏終而復始
陰

一陽互為進退故消惟賢人上配天以養頭下象地以

長無窮終而復始
養足中傍人事以養五藏
清濁陰在上故頭配天以養其清濁陰在下故足象地以養

其靜五氣運行於中故五藏傍人事以養其和此雖以頭足五藏為言而實謂上中下無非法於天地人也

天氣通於肺地氣通於嗑

天氣清氣也謂呼吸之氣地氣濁氣也謂飲食之氣清氣

通於五藏由喉而先入肺濁氣通於六府由嗑而先入胃嗑咽也六節藏象論曰天食人以五氣地食人以五

味五氣入鼻藏於心肺五味入口藏於腸胃太陰陽明論曰喉主天氣咽主地氣其義皆同○嗑音益風

氣通於肝

風為木氣肝為木藏同氣相求故通於肝上文二句總言天地陰陽通於人此下四句分

言五行氣候通於人此詳言天氣通肺以及於五藏者也

雷氣通於心

雷為火氣心為火藏故相

通谷氣通於脾

山谷土氣脾為土藏故相通

雨氣通於腎

雨為水氣腎為水藏

故相六經為川腸胃為海

六經者三陰三陽也周流氣血故為人之川腸胃者盛受

水穀故為人之海此詳言地氣通於嗑也

九竅為水注之氣

是為九竅水注

之氣言水氣之注也如目之淚鼻之涕口之津二陰之
尿機皆是也雖耳若無水而耳中津氣濕而成垢是即
水氣所致氣至水必至水至氣必至故言水注之氣○
愚按陰陽合一之妙於氣水而見之矣夫氣者陽也氣
主升水者陰也水主降然水中藏氣水即氣也氣中藏
水氣即水也升降雖分陰陽氣水實為同類何也請以
釜觀得其象矣夫水在釜中下得陽火則水乾非水乾
也水化氣而去也上加覆固則水生非水生也氣化水
而流也故無水則氣從何來無氣則水從何至水氣一
體於斯見矣而人之精氣亦猶是也故言氣注之水亦
可言水注之氣亦可然不曰氣注之水而曰水注之氣
者至哉妙哉此神聖發微之妙於顛倒中而見其真矣
以天地為之陰陽此重申上文言賢人之養身皆法乎
天地之陰陽如天氣地氣風雷谷雨
川海九竅之陽之汗以天地之雨名之汗出於陽而本
於陰故以天地
類皆是也

之雨名之雨即人之汗汗即天之雨皆陰精之所化知雨之為義則可與言汗矣陽之氣以天

地之疾風名之氣本屬陽陽勝則氣急故以天地之疾風名之知陰陽之權衡動靜之承制則

可與言氣矣暴氣象雷天有雷霆火鬱之發也人有剛暴逆怒氣之逆也故語曰雷霆之怒

氣象陽天地之氣升降和則不逆矣天不降地不升則陽亢於上人之氣逆亦猶此也故治不

法天之紀不用地之理則災害至矣上文言人之陰陽無不合乎天地故

賢人者必法天以治身設不知此而反天之紀逆地之理則災害至矣此理字與前五里之里不同蓋彼言廣

輿之里此言理氣之理

陰陽之中復有陰陽素問金匱真言論〇五

故曰陰中有陰陽中有陽

故曰引辭也既言陰矣而陰中又有陰既言陽矣而陽中

又有陽此陰陽之道所無窮有如下文云者

平旦至日中天之陽陽中之陽

也日中至黃昏天之陽陽中之陰也合夜至雞鳴天之

陰陰中之陰也雞鳴至平旦天之陰陰中之陽也

一日之氣

自卯時日出地上為晝天之陽也自酉時日入地中為夜天之陰也然於陰陽之中復有陰陽如午前為陽中

之陽午後則陽中之陰也子前為陰中之陰午後為陰中之陽也故以一日分為四時則子午當二至之中卯

酉當二分之令日出為春日中為夏日入為秋夜半為冬也

故人亦應之

人之陰陽亦與一日

四時之氣同故子後則氣升午後則氣降子後則陽盛午後則陽衰矣

夫言人之陰陽則

外為陽內為陰

以表裏言

言人身之陰陽則背為陽腹為陰

以前後言言人身之藏府中陰陽則藏者為陰府者為陽肝

心脾肺腎五藏皆為陰膽胃大腸小腸膀胱三焦六府

皆為陽

五藏屬裏藏精氣而不寫故為陰六府屬表傳化物而不藏故為陽

所以欲知陰

中之陰陽中之陽者何也為冬病在陰夏病在陽春病

在陰秋病在陽皆視其所在為施鍼石也

此舉一歲之候以明病治

之陰陽也冬氣伏藏故在陰夏氣發越故在陽春病在陰者以春陽尚微而餘陰尚盛也秋病在陽者以秋陰尚微而餘陽尚盛也必當體察氣宜庶無悞治此雖以四時鍼石言而凡藥食之類無不皆然不可不為詳察

也故背為陽陽中之陽心也背為陽陽中之陰肺也腹

為陰陰中之陰腎也腹為陰陰中之陽肝也腹為陰陰

中之至陰脾也

人身背腹陰陽議論不一有言前後陰者如老子所謂萬物負陰而抱陽是

也有言前後陰後陽者如此節所謂背為陽腹為陰是也似乎相左觀邵子曰天之陽在南陰在北地之陰在南陽在北天陽在南故日處之地剛在北故山處之所以地高西北天高東南然則老子所言言天之象故人之耳目口鼻動於前所以應天陽面南也本經所言言地之象故人之脊膂肩背峙於後所以應地剛居北也矧以形體言之本為地象故背為陽腹為陰而陽經行於背陰經行於腹也天地陰陽之道當考伏羲六十四卦方圖圓圖象天陽在東南方圖象地陽在西北其義最精燎然可見又如人之五藏何以心肺為背之陽肝

脾腎為腹之陰蓋心肺居於膈上連近於背故為背之二陽藏肝脾腎居於膈下藏載於腹故為腹之三陰藏然陽中又分陰陽則心象人之日故曰壯藏為陽中之陽肺象人之天天象玄而不自明朱子曰天之無星空處謂之辰故天體雖陽而實已藏陰德較乎日之純陽者似為有間故肺曰北藏為陽中之陰若陰中又分陰陽則腎屬人之水故曰北藏陰中之陰也肝屬人之木火同氣故曰壯藏陰中之陽也脾屬人之土其體象地故曰北藏為此皆陰陽表裏內外雌雄相輸應也故陰中之至陰也此雌雄即北壯之謂輸應轉輸相應也以應天之陰陽也此總結上文以人應天之義地即天中之物言天則地在其中矣

北壯義見鍼刺類十七

類經卷二

欽定四庫全書

子部
類經卷三

詳校官太醫院八品吏目臣黃發

編修臣倉聖脈覆勛

總校官知縣臣楊懋珩

校對官中書臣范來宗

滕錄監生臣李鳳丹

欽定四庫全書

類經卷三

明 張介賓 撰

藏象類

十二官

素問靈蘭秘典論全○一

黃帝問曰願聞十二藏之相使貴賤何如

藏藏也六藏六府總為十

一分言之則陽為府陰為藏合言之則皆可稱藏猶言庫藏之藏所以藏物者如宣明五氣篇曰心藏神肺藏魄之類是也相使者輔相臣使之謂貴賤者君臣上下之分○藏去聲

岐伯對曰悉乎哉

問也請遂言之心者君主之官也神明出焉

心為一身之君主稟

虛靈而含造化具一理以應萬幾藏府百骸惟所是命聰明智慧莫不由之故曰神明出焉

肺者相

傳之官治節出焉

肺與心皆居膈上位高近君猶之宰輔故稱相傳之官肺主氣氣調則營

衛藏府無所不治故曰治節出焉節制也○相去聲

肝者將軍之官謀慮出焉

肝屬

風木性動而急故為將軍之官木主發生故為謀慮所出

膽者中正之官決斷出焉

膽稟剛果之氣故為中正之官而決斷所出膽附於肝相為表裏肝氣雖強非膽不斷肝膽相濟勇敢乃成故奇病論曰肝者中之將也取決於膽

膻中者臣使之官喜樂出焉

膻中在上焦亦

名上氣海為宗氣所積之處主奉行君相之令而布施氣化故為臣使之官行鍼篇曰多陽者多喜多陰者多怒膻中為二陽藏所居故喜樂出焉按十二經表裏有心包絡而無膻中心包之位正居膈上為心之護衛脹

論曰臚中者心主之官城也正合心包臣使之義意者其即指此歟○臚唐坦切 脾胃者倉廩

之官五味出焉

脾主運化胃司受納通主水穀故皆為倉廩之官五味入胃由脾布散故曰五

味出焉○刺法論曰脾為諫議之官知周出焉見運氣類四十三

大腸者傳道之官變

化出焉

大腸居小腸之下主出糟粕故為腸胃變化之傳道

小腸者受盛之官化

物出焉

小腸居胃之下受盛胃中水穀而分清濁水液由此而滲於前糟粕由此而歸於後脾氣化而

上升小腸化而下降故曰化物出焉

腎者作強之官伎巧出焉

伎巧同腎屬水而藏

精精為有形之本精盛形成則作用強故為作強之官水能化生萬物精妙莫測故曰伎巧出焉

三焦

者決瀆之官水道出焉

決通也瀆水道也上焦不治則水泛高原中焦不治則水留中

脫下焦不治則水亂二便三焦氣治膀胱者州都之官則脈絡通而水道利故曰決瀆之官

津液藏焉氣化則能出矣

膀胱位居最下三焦水液所歸是同都會之地故曰州都

之官津液藏焉膀胱有下口而無上口津液之入者為水水之化者由氣有化而入而後有出是謂氣化則能出矣營衛生會篇曰水穀俱下而成下焦濟泌別汁循下焦而滲入膀胱正此謂也然氣化之原居丹田之間是名下氣海天一元氣化生於此元氣足則運化有常水道自利所以氣為水母知氣化能出之旨則治水之道思過半矣氣化大義又見三焦胞絡命門辨及膀胱圖註中凡此十二官者不得相失也失則氣不相使而災害至矣故主明則下安以此養生則壽歿世不殆以為天下則大昌

心主明則十二官皆安所以不殆能推養生之道以及齊

家治國平天下未
有不大昌者矣
主不明則十二官危使道閉塞而不

通形乃大傷以此養生則殃以為天下者其宗大危戒

之戒之

心不明則神無所主而藏府相使之道閉塞不通故自君主而下無不失職所以十二藏皆危

而不免於殃也身且不免况於天下乎
至道在微變化

無窮孰知其原

至道之大其原甚微及其變化則有莫測人能見其多而不能見其少安得知

原者相與談是哉

窘乎哉消者瞿瞿孰知其要閔閔之當孰者

為良

窘窮也瞿瞿不審貌閔閔憂恤也消者瞿瞿孰知其要謂十二官相失則精神日消瞿瞿然莫審其

故誠哉窘矣然所致之由果孰得而知其要也閔閔之當孰者為良謂能憂人之憂而恤人之危者又孰足以

當其明哲之良哉蓋甚言知道之少也氣交變大論
作肖者瞿瞿其義稍異見運氣類十一○瞿音劬 恍

惚之數生於毫釐

恍惚者無形之始毫釐者有象之初即至道在微之微也毫釐之

數起於度量千之萬之可以益大推之大之其形乃制

毫釐者度量之所起也千之萬之者積而不已而形制益多也喻言大必由於小著必始於微是以變化雖多原則一耳故但能知一則無一之不知也不能知一則無一之能知也正以見人之安危休咎亦惟心君為之

原耳黃帝曰善哉余聞精光之道大聖之業而宣明大道

非齋戒擇吉日不敢受也黃帝乃擇吉日良兆而藏靈

蘭之室以傳保焉

洗心曰齋遠憇曰戒蓋深敬大道而示人以珍重之甚也

藏象

素問六節藏象論〇二

帝曰藏象何如形象也藏居於內形見於外故曰藏象岐伯曰心者生之

本神之變也其華在面其充在血脉為陽中之太陽通

於夏氣心為君主而屬陽陽主生萬物係之以存亡故曰生之本心藏神神明由之以變化故曰神之

變心主血脉血足則面容光彩脉絡滿盈故曰其華在面其充在血脉心屬火以陽藏而通於夏氣故為陽中

之太陽肺者氣之本魄之處也其華在毛其充在皮為陽

中之太陰通於秋氣諸氣皆主於肺故曰氣之本肺藏魄故曰魄之處肺主身之皮毛故

其華在毛其充在皮肺金以太陰之氣腎者主蟄封藏

而居陽分故為陽中之太陰通於秋氣

之本精之處也其華在髮其充在骨為陰中之少陰通

於冬氣

腎者胃之關也位居亥子開竅二陰而司約束故為主蟄封藏之本腎主水受五藏六府之精

而藏之故曰精之處也髮為血之餘精足則血足而髮盛故其華在髮腎之合骨也故其充在骨腎為陰藏故為陰中之少陰通於冬氣○愚按新校正言全元起本及甲乙經太素俱以肺作陽中之少陰腎作陰中之太陰蓋謂肺在十二經雖屬太陰然陰在陽中當為少陰也腎在十二經雖屬少陰然陰在陰中當為太陰也此說雖亦理也然考之刺禁論云扁肱之上中有父母乃指心火肺金為父母也父曰太陽母曰太陰自無不可腎雖屬水而陽生於子即曰少陰於義亦當此當仍以本經為正

肝者罷極之本魂之

居也其華在爪其充在筋以生血氣其味酸其色蒼此

為陽中之少陽通於春氣

人之運動由乎筋力運動過勞筋必罷極肝藏魂故為魂

之居爪者筋之餘故其華在爪其充在筋肝屬木位居東方為發生之始故以生血氣酸者木之味蒼者木之色木王於春陽猶未盛故為陽中之少陽通於春氣○按上文三藏皆不言色味而肝脾二藏獨言之意必脫簡也五藏色味詳載五運行大論及陰陽應象大論等篇見後五六○罷音皮脾胃大腸小腸

三焦膀胱者倉廩之本營之居也名曰器能化糟粕轉

味而出入者也

此六者皆主盛受水穀故同稱倉廩之本營者水穀之精氣也水穀貯於六府

故為營之所居而皆名曰器凡所以化糟粕轉五味者皆由乎此也○粕音朴其華在脣四白

其充在肌其味甘其色黃此至陰之類通於土氣

四白脣之

四際白肉也脣者脾之榮肌肉者脾之合甘者土之味黃者土之色也脾以陰中之至陰而分王四季故通於土氣此雖若指脾為言而實總結六府者皆倉廩之本無非統於脾氣也故曰此至陰之類 凡十一

藏取決於膽也

五藏六府共為十一稟賦不同情志亦異必資膽氣庶得各成其用故皆取決

於膽也○愚按五藏者主藏精而不寫故五藏皆內實六府者主化物而不藏故六府皆中虛惟膽以中虛故屬於府然藏而不寫又類乎藏故足少陽為半表半裏之經亦曰中正之官又曰奇恒之府所以能通達陰陽而十一藏皆取決乎此也然東垣曰膽者少陽春升之氣春氣升則萬化安故膽氣春升則餘藏從之所以十一藏皆取決於膽其說亦通

藏府有相合三焦曰孤府

靈樞本輪篇○三

肺合大腸大腸者傳道之府

此言藏府各有所合是為一表一裏肺與大腸為表

裏故相合也傳道之官義見前一

心合小腸小腸者受盛之府

心與小腸為表

裏故相合也受盛之義亦見前

肝合膽膽者中精之府

肝與膽為表裏故相合也膽為

中正之官藏清淨之液故曰中精之府蓋以他府所盛者皆濁而此獨清也

脾合胃胃者五

穀之府

脾與胃為表裏而胃司受納故為五穀之府

腎合膀胱膀胱者津液

之府也

腎與膀胱為表裏而津液藏焉故為津液之府

少陽屬腎腎上連肺故

將兩藏

少陽三焦也三焦之正脉指天散於胃中而腎脉亦上連於肺三焦之下膺屬於膀胱而膀胱

為腎之合故三焦亦屬乎腎也然三焦為中瀆之府膀胱為津液之府腎以水藏而領水府理之當然故腎得

兼將兩藏將領也兩藏府亦可以言藏也本藏篇曰腎合三焦膀胱其義即此三焦者中瀆之

府也水道出焉屬膀胱是孤之府也是六府之所與合

者中瀆者謂如川如瀆源流皆出其中也即水穀之入於口出於便自上而下必歷三焦故曰中瀆之府水

道出焉膀胱受三焦之水而當其疏泄之道氣本相依體同一類故三焦下膈出於委陽並太陽之正入絡膀胱

膀胱約下焦也然於十二藏之中惟三焦獨大諸藏無與匹者故名曰是孤之府也三焦下膈義見經絡類十六

○愚按本篇之表裏相配者肺合大腸皆金也心合小腸皆火也肝合膽皆木也脾合胃皆土也腎合膀胱皆

水也惟三焦者雖為水瀆之府而實總護諸陽亦稱相火是又水中之火府故在本篇曰三焦屬膀胱在血氣

形志篇曰少陽與心主為表裏蓋其在下者為陰屬膀胱而合腎水在上者為陽合包絡而通心火此三焦之

所以際上極下象同六合而無所不包也觀本篇六府之別極為明顯以其皆有盛貯因名為府而三焦者曰中瀆之府是孤之府分明確有一府蓋即藏府之外軀體之內包羅諸藏一腔之大府也故有中瀆是孤之名而亦有天府之形難經謂其有名無形誠一失也是蓋譬之探囊以計物而忘其囊之為物耳遂致後世紛紛無所憑據有分為前後三焦者有言為腎傍之脂者即如東垣之明亦以手三焦足三焦分而為二夫以一三焦尚云其無形而諸論不一又何三焦之多也畫蛇添足愈多愈失矣後世之疑將焉釋哉余因著有三焦包絡命門辨以求正於後之君子焉詳見附錄第三卷

五藏之應各有收受

素問金匱真言論○四

帝曰五藏應四時各有收受乎

收受者言同氣相求各有所歸也

岐伯

曰有東方青色入通於肝開竅於目藏精於肝東為木王之方

肝為屬木之藏故相通也青者木之色目者肝之竅木之精氣藏於肝曰魂其病發驚駭風木

之氣多振動其味酸其類草木酸者木之味其畜雞易曰巽為雞東

方木其穀麥麥成最蚤故應東方春氣五畜也其應四時上

為歲星木之精氣上為歲星是以春氣在頭也木王春春氣上升也其音角

木音曰角其應春其數八河圖數天三生木地八成之是以知病之

在筋也肝主筋也其臭臊臭氣之總名也臊為木氣所化禮月令曰其臭羶羶與臊類○臭許

救尺救二切臊音騷○南方赤色入通於心開竅於耳藏精於心

南為火王之方心為屬火之藏其氣相通赤者火之色
耳者心之竅火之精氣藏於心曰神陰陽應象大論曰
心在竅為舌腎在竅為耳可見
舌本屬心耳則兼乎心腎也
故病在五藏心為五藏之君主心

病則五藏應之
其味苦其類火火之味苦
其畜羊五常政大論曰其畜馬而此曰羊者

意謂午未俱屬南方耳
其穀黍黍之色赤糯小米也五常政大論曰其穀麥
其應四時

上為熒惑星火之精氣上為熒惑星
是以知病之在脈也心主血脈也

其音徵火音曰徵其應夏其化戊癸子午
其數七地二生火天七成之
其臭焦焦為

火氣所化
○中央黃色入通於脾開竅於口藏精於脾土王四季

位居中央脾為屬土之藏其氣相通黃者土之色口者脾之竅土之精氣藏於脾曰意
故病在舌

本脾之脈連舌

其味甘其類土

土之味甘

其畜牛

牛屬丑而色黃也易

曰坤其穀稷

稷小米也粳者為稷糯者為黍為五穀之長色黃屬土

其應四時上

為鎮星

土之精氣上為鎮星

是以知病之在肉也

脾主肌肉也

其音宮

土音曰宮其應長夏其化甲巳丑未

其數五其臭香

香為土氣所化

○西方白色

入通於肺開竅於鼻藏於肺

西為金王之方肺為屬金之藏其氣相通白者金之

色鼻者肺之竅金之精氣藏於肺曰魄

故病在背

肺在胃中附於背也

其味辛其類

金

金之味辛

其畜馬

肺為乾象易曰乾為馬

其穀稻

稻堅而白故屬金

時上為太白星

金之精氣上為太白星

是以知病之在皮毛也

肺主

皮毛也 其音商 金音曰商其應秋 其數九 地四生金 其臭

腥 腥為金 ○北方黑色入通於腎開竅於二陰藏精於

腎 北為水王之方腎為屬水之藏其氣相通黑者 故病

在谿 谿者水所流注也故病在谿 ○谿溪同 其味鹹

其類水 水之味鹹 其畜彘 彘猪也易曰坎為豕 其穀豆 菽也黑者屬水 其

應四時上為辰星 水之精氣 是以知病之在骨也 腎主骨也

其音羽 水音曰羽其應冬 其數六 天一生水地六成之 其臭腐 腐為

水氣所化禮月令云 其臭朽朽與腐類 故善為脈者謹察五藏六府一逆

一從陰陽表裏雌雄之紀藏之心意合心於精

善診者必能察

此陰陽藏象之精微而合於吾心庶神理明而逆從變化無道情矣

非其人勿教非其真

勿授是謂得道

不得賢智而教之適足以害道不得真人而授之適足以亂真氣交變大論曰

得其人不教是謂失道傳非其人慢泄天寶此之謂也義詳運氣類十

四時陰陽外內之應

素問陰陽應象大論○五

帝曰余聞上古聖人論理人形列別藏府端絡經脉會通六合各從其經氣穴所發各有處名谿谷屬骨皆有所起分部逆從各有條理四時陰陽盡有經紀外內之

應皆有表裏其信然乎

論理講求也列別分辨也端言經脈之發端絡言支脈之橫絡

兩經交至謂之會他經相貫謂之通十二經之表裏謂之六合氣穴豁谷分部逆從等義如經脈篇及氣穴氣府皮部骨空等論各有詳載而此篇所答則惟四時五行藏象氣味之化其他則散見各篇也○別必列切

岐伯對曰東方生風

風者天地之陽氣東者日升之陽方故陽生於春春王於東而東方

生風 風生木

風動則木榮也

木生酸

洪範曰木曰曲直曲直作酸故凡物之味酸者皆木氣之

所化 酸生肝

酸先入肝也 肝生筋

筋主

筋生心

木生火也

肝主目

目者

肝之官也 其在天為玄

玄深微也天道無窮東為陽升之方春為發生之始故曰玄

在人

為道

道者天地之生意也人以道為生而如其所生之本則可與言道矣

在地為化

化生也

有生有化而後有萬物有萬物而後有終始凡自無而有自有而無總稱曰化化生道歸一氣故於東方首言**化生五味**萬物化生**道生智**生慧出矣**女生神**玄冥之中

無有而無不有也神神奇奇所從生矣○按在天為玄至此六句他方皆無而東獨有之蓋東方為生物之始而元貫四德春貫四時言東方之化則四氣盡乎其中矣此蓋通舉五行六氣之大法非獨指東方為言也觀天元紀大論有此數句亦總貫五行而言其義可見詳運氣類三**神在天為風**飛揚散動風之

用也鼓之以雷霆潤之以雨露無非天地之神而風則神之一者又風為六氣之首故應東方**在地為木**五行在地東方屬木**在體為筋**筋屬衆體之木**在藏為肝**肝屬五藏之木**在色**

為蒼蒼屬五**在音為角**角屬五**在聲為呼**怒則呼**在變動**

為握握同搖擲筋之病也在竅為目肝之竅也在味為酸木之味也在志為

怒強則好怒肝之志也宣明五氣篇曰并於肝則憂怒傷肝怒出於肝過則傷肝悲勝怒

悲憂為肺金之志故勝肝木之怒悲則不怒是其徵也風傷筋同氣相求故風傷筋燥勝風

燥為金氣故勝風木酸傷筋酸走筋過則傷筋而拘攣辛勝酸辛為金味故勝木之酸○

南方生熱陽極於夏夏王於南故南方生熱熱生火熱極則生火也火生苦洪

曰火曰炎上炎上作苦故物之味苦者由火氣之所化苦生心苦先入心也心生血心主

也血脉血生脾火生土也心主舌舌為心之官也其在天為熱六氣在天者為

熱五行在地者為火在地為火五行在地在體為脈脈屬衆體之火在藏為心心屬

五藏之火在色為赤赤屬五在音為徵徵屬五在聲為笑則喜

發笑心之聲也在變動為憂心藏神神有餘則笑不足故憂在竅為舌心之在

味為苦火之在志為喜心之喜傷心喜出於心過則傷心恐勝喜

恐為腎水之志故勝心火之喜恐則不喜是其微也熱傷氣壯火食寒勝熱水勝

苦傷氣苦從火化故傷肺氣火尅金也又如陽氣性升

鹹勝苦鹹為水味故勝火之苦○愚按氣為苦傷而用

甘泄苦亦是捷法蓋氣味以辛甘為陽酸苦鹹為陰陰

勝者制之以陽陽勝者制之以陰何非勝復之妙而其
中宜否則在乎
用之權變耳
○中央生濕土王中央濕生土濕潤則

而萬物生
土生甘
洪範曰土爰稼穡稼穡作甘凡物之味甘者皆土氣之所化
甘生脾
甘

入脾也
脾生肉
脾主肌肉也
肉生肺
土生金也
脾主口
口脣者脾之官也
其

在天為濕
氣化於天中央為濕
在地為土
形成於地中央屬土
在體為肉
肉

衆體之土
在藏為脾
脾屬五藏之土
在色為黃
黃屬五色之土
在音為宮
宮屬

五音之上
在聲為歌
得意則歌脾之聲也
在變動為噦
噦於決切呃逆也
在竅

為口
脾之竅也
在味為甘
土之味也
在志為思
脾之志也宣明五氣篇曰并於脾則

畏
思傷脾
脾志為思過則傷脾
怒勝思
怒為肝木之志故勝脾上之思怒則不思是其徵也

濕傷肉
脾主肉而惡濕故濕勝則傷肉
風勝濕
木勝土也
甘傷肉
過於甘也
酸勝

甘 酸為木味故
勝土之甘

○西方生燥

金王西方
其氣化燥

燥生金

燥則剛
勁金氣

所生也

金生辛

洪範曰金曰從革從革作辛
故味辛者皆金氣之所化

辛生肺

辛先入肺

也 肺生皮毛

肺主皮
毛也

皮毛生腎

水生也

肺主鼻

鼻者肺
之官也

其

在天為燥

氣化於天
在西為燥

在地為金

形成於地
在西屬金

在體為皮毛

皮毛屬衆
體之金

在藏為肺

肺屬五
藏之金

在色為白

白屬五
色之金

在音為

商 商屬五
音之金

在聲為哭

悲哀則哭
肺之聲也

在變動為欬

邪傷於肺
其病為欬

在竅為鼻

肺之
竅也

在味為辛

金之
味也

在志為憂

肺之志也金
氣慘悽故令

人憂宣明五氣篇
曰并於肺則悲

憂傷肺

憂則氣消
故傷肺也

喜勝憂

喜為心火
之志能勝

肺金之憂喜則神暢故勝憂也
熱傷皮毛
熱勝則津液耗而傷皮毛火尅金也
寒勝熱
水制

火也
辛傷皮毛
辛能散氣故傷皮毛
苦勝辛
苦為火味故勝金之辛
○**北方生**

寒
水王北方其氣化寒
寒生水
寒氣陰潤其化為水
水生鹹
洪範曰水曰潤下潤下作鹹故

物之味鹹者皆水氣之所化
鹹生腎
鹹先入腎也
腎生骨髓
腎主骨髓也
髓生

肝
水生木也
腎主耳
耳者腎之官也
其在天為寒
氣化於天在北為寒
在地為

水
形成於地
在體為骨
骨屬眾體之水
在藏為腎
腎屬五藏之水
在色

為黑
黑屬五色之水
在音為羽
羽屬五音之水
在聲為呻
氣鬱則呻吟腎之聲也

在變動為慄
戰慄也大寒甚恐則有之故屬水
在竅為耳
腎之竅也按前篇金匱真

言論云南方赤色開竅於耳北方黑色開竅於二陰則耳又為心之竅如本藏篇以耳之高下堅脆而驗腎則

耳信為腎之竅而屬於心也**在味為鹹**水之味也**在志為恐**腎之志也**恐傷腎**

而多遺尿甚則陽痿是其微也**思勝恐**思為脾土之志故勝腎水之恐

深思見理**寒傷血**寒則血凝滯故寒傷血陰陽應象大論云寒傷形蓋形即血也**燥勝**

寒燥則水潤**鹹傷血**鹹從水化故傷心血水勝火也食鹹則渴傷血可知**甘勝鹹**

甘為土味故勝水之鹹○按新校正云詳此篇論所傷之旨其例有三東方云風傷筋酸傷筋中央云濕傷肉

甘傷肉是自傷者也南方云熱傷氣苦傷氣北方云寒傷血鹹傷血是傷已所勝也西方云熱傷皮毛是被勝

傷已也辛傷皮毛是自傷者也凡此五行所傷有此三例不同愚按北方云燥勝寒若以五行正序當云濕勝

寒但寒濕同類不能相勝故曰燥勝寒也
諸所不同如此蓋因其切要者為言也
故曰天地者

萬物之上下也陰陽者血氣之男女也左右者陰陽之
道路也水火者陰陽之徵兆也陰陽者萬物之能始也

故曰陰在內陽之守也陽在外陰之使也

此節重出註見陰陽類一

又天元紀大論亦稍同詳運氣類三

五氣之合人萬物之生化

素問五運行大論〇六

帝曰寒暑燥濕風火在人合之奈何其於萬物何以生

化

此明人身之表裏萬物之化生皆合乎天地之氣也

岐伯曰東方生風風生木

木生酸酸生肝肝生筋筋生心

此東方之生化也明此者可以治肝補心

其

在天為玄在人為道在地為化化生五味道生智玄生

神化生氣

氣由化生物因氣化也○此下二節與天元紀大論同見運氣類三

神在天為

風在地為木

凡此篇文義與前篇陰陽應象大論相同者註皆見前後準此

在體為筋

在氣為柔

得木化者其氣柔更筋之類也

在藏為肝其性為暄

暄溫煖也肝為

陰中之陽應春之氣故其性暄○暄音萱

其德為和

春陽布和木之德也

其用為動

春風

動搖木之用也

其色為蒼

淺青色也

其化為榮

物色榮美木之化也

其蟲毛

毛蟲

叢植得木氣也

其政為散

陽散於物木之政也按散義有二一曰升散木氣之生也一曰散落金氣

之殺

其令宣發

宣揚升發
春木令也

其變摧拉

摧拉損折敗壞也
風氣剛強木之變

也○推坐陪

其青為隕

青災也隕墜落也木兼金化隕
為災也○青詩梗切隕音允

切拉音臘

其味為酸其志為怒怒傷肝悲勝怒風傷肝

前篇曰風
傷筋者其

義燥勝風酸傷筋辛勝酸

此東方之性用德化此今皆
本乎木而內合人之肝氣者

也故肝
主於左

○南方生熱熱生火火生苦苦生心心生血血

生脾

此南方之生化也明
此者可以治心補脾

其在天為熱在地為火在體

為脈在氣為息

經絡流行脈之體也血氣和平
息之調也心主血脈故皆屬火

在藏為

心其性為暑

南方暑熱火之性也
心為火藏其氣應之

其德為顯

陽象明顯
火之德也

其用為躁

陽用躁動火之性也

其色為赤其化為茂

萬物茂盛火之化也

其

蟲羽

羽蟲飛揚得火氣也

其政為明

陽明普照火之政也

其令鬱蒸

暑熱鬱蒸夏火

今其變炎爍

炎爍焦枯火之變也○爍收勺切

其青燔炳

燔炳焚燒火之災也○燔

音煩炳如歲切

其味為苦其志為喜喜傷心恐勝喜熱傷氣寒

勝熱苦傷氣鹹勝苦

此南方之性用德化政令皆本乎火而內合人之心氣者也故心主

於前○中央生濕濕生土土生甘甘生脾脾生肉肉生肺

此中央之生化也明此者可以治脾補肺

其在天為濕在地為土在體為肉

在氣為充

土之施化其氣充盈故曰充氣脾健則肉豐此其徵也

在藏為脾其性

靜兼

脾屬至陰故其性靜
土養萬物故其性兼

其德為濡

濡潤澤物
土之德也

其用為

化

萬化所歸
上之用也

其色為黃其化為盈

萬物充盈
上之化也

其蟲倮

赤體

曰倮土應肉也
倮即果切

其政為謚

謚靜也安靜寧謚土
之政也○謚音密

其令雲

雨

雲雨濕蒸
上之令也

其變動注

風雨動注
上之令也

其青淫潰

霖淫崩潰
土之災也

其味為甘其志為思思傷脾怒勝思濕傷肉風勝濕甘

傷脾酸勝甘

此中央之性用德化政令皆本乎土
而內合人之脾氣者也故脾主乎中

○西

方生燥燥生金金生辛辛生肺肺生皮毛皮毛生腎

此西

方之生化也明此
者可以治肺補腎

其在天為燥在地為金在體為皮毛

在氣為成

庚桑子曰春氣發而百草生正得秋而萬寶成蓋物得金氣而後堅故金曰堅成

在

藏為肺其性為涼

西方涼真金之氣也肺為金藏故應之

其德為清

秋氣清肅

金之德也

其用為固

堅而能固金之用也

其色為白其化為斂

萬物收斂金之

化也

其蟲介

皮甲堅固得金氣也

其政為勁

風氣剛勁金之政也

其令霧露

涼生

霧露秋金令也

其變肅殺

凋殘肅殺金之變也

其青蒼落

青蒼毀敗金之災也

其味

為辛其志為憂憂傷肺喜勝憂熱傷皮毛寒勝熱辛傷

皮毛苦勝辛

此西方之性用德化政令皆本乎金而內合人之肺氣也故肺主乎右

○北

方生寒寒生水水生鹹鹹生腎腎生骨髓髓生肝

此北方也

生化也明此者
可以治腎補肝
其在天為寒在地為水在體為骨在氣

為堅

物之熟者遇寒則堅此其微也

在藏為腎其性為凜

凜烈戰慄水之性也

其

德為寒

冬氣寒冷水之德也

其用為藏

藏字原闕脫簡也今補之閉藏生氣水之用也

其

色為黑其化為肅

肅然靜定水之化也

其蟲鱗

鱗潛就下得水氣也

其政為

靜

清靜澄徹水之政也

其令閉塞

閉塞二字原闕今補足之天地閉塞冬水令也

其變凝

冽

寒凝嚴冽水之變也

其青冰雹

非時冰雹水之災也○雹音泊

其味為鹹其志

為恐恐傷腎思勝恐寒傷血燥勝寒鹹傷血甘勝鹹

此北

方之性用德化政令皆本乎水而
內合人之腎氣者也故腎主於下
五氣更立各有所先

五行之氣化有不同天千所臨是為五運地支所司是為六氣五運六氣皆有主客之分故歲時變遷五氣更立各有所先非其位則邪當其位則正運氣既立則位以主歲氣也之或邪或正可得而察矣此與六微旨大論同見運氣類七

帝曰病之生變何如岐

伯曰氣相得則微不相得則甚

主客相遇上下相臨氣有相得不相得則病變

由而生矣相得者如彼此相生則氣和而病微不相得者如彼此相尅則氣乖而病甚也

帝曰主歲

何如岐伯曰氣有餘則制已所勝而侮所不勝其不及

則已所不勝侮而乘之已所勝輕而侮之

主歲謂五運六氣各有所

主之歲也己所勝我勝彼也所不勝彼勝我也假令木氣有餘則制己所勝而上受其尅濕化乃痰侮所不勝

則金反受木之侮而風化大行也木氣不足則已所不勝者乘虛來侮而金令大行已所勝者因弱相輕而土邪反甚也六節藏象論曰未至而至此謂太過則薄所不勝而乘所勝也命曰氣淫至而不至此謂不及則所勝妄行而所生受病所不勝薄之也

侮反受邪

若恃已之強肆

命曰氣迫運氣相同舉此可類推矣

而行暴侮有勝必復反受其邪五常政大論曰乘危

受邪寡於畏也

五行之氣各有相制畏其所制乃能守位寡於畏則肆無忌憚而勢極必衰所

以反受其邪此天道之盈虛自毫髮無容與者上文自五氣更立至此詳義見五運太少齊兼化逆順圖解及主氣客氣主運客運司天在泉各圖說中在圖翼二卷

帝曰善

脾不主時

素問太陰陽明論〇七

帝曰脾不主時何也

此言時惟四而藏有五如肝心肺腎分主四時而脾為五藏之一獨

無所主者何也

岐伯曰脾者土也治中央常以四時長四藏各

十八日寄治不得獨主於時也

五藏所主如肝木主春而王於東心火主夏而

王於南肺金主秋而王於西腎水主冬而王於北惟脾屬土而蓄養萬物故位居中央寄王四時各一十八日為四藏之長而不得獨主於時也考之歷法凡於辰戌丑未四季月當立春立夏立秋立冬之前各土王用事十八日一歲共計七十二日凡每季三月各得九十日於九十日中除去十八日則每季亦止七十二日而為五行分王之數總之五七三十五二五二十共得三百六十日以成一歲之常數也

脾藏者常著

胃土之精也王者生萬物而法天地故上下至頭足不

得主時也

脾胃相為表裏脾常依附於胃以膜連著而為之行其精液然脾胃皆屬乎土所以生成

萬物故曰法天地也土為萬物之本脾胃為藏府之本故上至頭下至足無所不及又豈得獨主一時而已哉平人氣象論曰人無胃氣曰逆逆者死脈無胃氣亦死此所以四時五藏皆不可一日無土氣也

五藏所合所榮所主五味所宜所傷之病

素問五藏

○八 生成篇

心之合脈也其榮色也其主腎也

心生血血行脈中故合於脈血華在貌故

榮於色心屬火受水之制故以腎為主

肺之合皮也其榮毛也其主心也

肺屬金皮得金之堅故合於皮毛得皮之養故榮於毛五藏之應天者肺故肺主皮毛凡萬物之體其表必堅

正合乾金之象所謂物物一太極也金受火之制故肺以心為主

肝之合筋也其榮爪

也其主肺也

肝屬木木曲直而柔筋體象之故合於筋爪者筋之餘故榮於爪木受金之制故肝

以肺為主脾之合肉也其榮唇也其主肝也

脾屬土肉象地之體故合肉也

脾氣通於唇故榮唇也土受木之制故脾以肝為主

腎之合骨也其榮髮也其主

脾也

腎屬水腎藏精骨藏髓精髓同類故腎合骨髮為精血之餘精髓充滿其髮必榮故榮在髮水受上

之制故腎以脾為主是故多食鹹則脈凝泣而變色

鹹從水化水能尅火故病

在心之脈與色也五味篇曰心病禁鹹○泣澁同

多食苦則皮槁而毛拔

苦從火化

火能尅金故病在肺之皮毛也五味篇曰肺病禁苦

多食辛則筋急而爪枯

辛從金化

金能尅木故病在肝之筋
爪也五味篇曰肝病禁辛

多食酸則肉胝膈而脣揭

胝皮

厚也手足胝胝之謂酸從木化木能尅土故病在脾
之肉與脣也五味篇曰脾病禁酸○胝音支膈音縈

多

食甘則骨痛而髮落此五味之所傷也

甘從土化土能尅水故病在腎

之骨與髮也五味篇曰腎病禁甘

故心欲苦

合於火也

肺欲辛

合於金也

肝欲酸

合於木也

脾欲甘

合於土也

腎欲鹹

合於水也

此五味之所合五藏之

氣也

凡此皆五味之合於五藏者舊本也字在合字之下於義不通按全元起本及太素俱云此五味之

所合五藏之氣也今改從之

本神

靈樞本神篇○九

黃帝問於岐伯曰凡刺之法必先本於神血脈營氣精神此五藏之所藏也至其淫泆離藏則精失魂魄飛揚志意恍惚智慮去身者何因而然乎天之罪與人之過

乎何謂德氣生精神魂魄心意志思智慮請問其故

淫泆

故也恍惚惚也詳如下文 淫音逸

岐伯答曰天之在我者德也地之在

我氣也德流氣薄而生者也

人稟天地之氣以生天地者陰陽之道也自太極而

生兩儀則清陽為天濁陰為地自兩儀而生萬物則乾知大始坤作成物故易曰天地之大德曰生寶命全形論曰人生於地懸命於天然則陽先陰後陽施陰受聲生之德本乎天成形之氣本乎地故天之在我者德也

地之在我者氣也德流氣薄而生者
言理賦形全而生成之道斯備矣
故生之來謂之精

太極動而生陽靜而生陰陰陽二氣各有其精所謂精
者天之一地之六也天以一生水地以六成之而為五
行之最先故萬物初生其來皆水如果核未實猶水也
胎卵未成猶水也即凡人之有生以及昆蟲草木無不
皆然易曰男女媾精
萬物化生此之謂也
兩精相搏謂之神
兩精者陰陽之
精也搏交結也

易曰天數五地數五五位相得而各有合周子曰二五
之精妙合而凝是皆兩精相搏之謂凡萬物生成之道
莫不陰陽交而後神明見故人之生也必合陰陽之氣
媾父母之精兩精相搏形神乃成所謂天地合氣命之
曰人也又決氣篇曰兩神相搏合而成形常先身生是
謂精見本類後二十五○愚按神者靈明之化也無非
理氣而已理依氣行氣從形見凡理氣所至即陰陽之
所居陰陽所居即神明之所在故曰陰陽者神明之府

也天元紀大論曰陰陽不測之謂神氣交變大論曰善言化言變者通神明之理易曰知變化之道者其知神之所為乎是皆神之為義然萬物之神隨象而應人身之神惟心所主故本經曰心藏神又曰心者君主之官神明出焉此即吾身之元神也外如魂魄志意五神五志之類孰匪元神所化而統乎一心是以心正則萬神俱正心邪則萬神俱邪迨其變態莫可名狀如八正神明論曰神乎神耳不聞目明心開而志先慧然獨悟口弗能言俱視獨見適若昏昭然獨明若風吹雲故曰神淮南子曰或問神曰心請問之曰潛天而天潛地而地天地神明而不測者也黃庭經曰至道不煩訣存真泥丸百節皆有神金丹大要曰心為一身君主萬神為之聽命以故虛靈知覺作生作滅隨機應境千變萬化瞬息千里夢寢百般人能逆料未來推測禍福大而天下國家小而僻陋疇隙無所不至然則神至心必至心住神亦住邪容篇曰心者五藏六府之大主也精神之所

舍也心傷則神去神去則死矣故曰事其神者神去之
休其神者神居之則凡治身者太上養神其次養形也

○諸神詳義見藏
象會通 ○搏音搏
隨神往來者謂之魂並精而出入者

謂之魂 精對神而言則神為陽而精為陰魄對魂而言
則魂為陽而魄為陰故魂則隨神而往來魄則

並精而出入 ○愚按精神魂魄雖有陰陽之別而陰陽
之中復有陰陽之別焉如神之與魂皆陽也何謂魂隨
神而往來蓋神之為德如光明爽朗聰慧靈通之類皆
是也魂之為言如夢寐恍惚變幻遊行之境皆是也神
藏於心故心靜則神清魂隨乎神故神昏則魂蕩此則
神魂之義可想象而悟矣精之與魄皆陰也何謂魄並
精而出入蓋精之為物重濁有質形體因之而成也魄
之為用能動能作痛癢由之而覺也精生於氣故氣聚
則精盈魄並於精故形強則魄壯此則精魄之狀亦可
默會而知也然則神為陽中之陽而魂則陽中之陰也

精為陰中之陰而魄則陰中之陽者乎雖然此特其陰陽之別耳至若魂魄真境猶有顯然可鞠者則在夢寐之際如夢有作為而身不應者乃魂魄之動靜動在魂而靜在魄也夢能變化而寤不能者乃陰陽之離合離從虛而合從實也此雖皆魂魄之證而實即死生之幾苟能致心如太虛而必清必靜則夢覺死生之關知必有洞達者矣又神氣魂魄詳義見後十四所當互考所以任物者謂之心心為君主之官統神靈而參天地故萬物皆其所任

心有**所憶謂之意**憶思憶也謂一念之生心有所嚮而未定者**意之所存謂之志**意之所存謂意已決而卓有所立者曰志**因志而**

存變謂之思因志而存變謂意志雖定而復有反覆計度者曰思**因思而遠慕謂**

之慮深思遠慕必生憂疑故曰慮**因慮而處物謂之智**疑慮既生而處得其善者

曰智按此數者各有所主之藏今皆生之於心此正諸藏為之相使而心則為之主宰耳故智者之

養生也必順四時而適寒暑和喜怒而安居處節陰陽

而調剛柔如是則僻邪不至長生久視

此言四時也寒暑也喜怒也居

處也皆明顯易曉惟節陰陽調剛柔二句具義最精其用最博凡食息起居病治脈藥皆有最切於此而不可忽者欲明是理當求易義而漸悟之 ○是故怵惕思慮者則傷神神傷則

恐懼流淫而不止

此下言情志所傷之為害也怵恐也惕驚也流淫謂流泄淫溢如下文所

云恐懼而不解則傷精精時自下者是也思慮而兼怵惕則神傷而心怯心怯則恐懼恐懼則傷腎腎傷則精不固蓋以心腎不交故不能收攝如此 ○怵出恤二音 因悲哀動中者竭絕而失

生悲則氣消悲哀太甚則胞絡絕故致喜樂者神憚散

失生竭者絕之漸絕則盡絕無餘矣

而不藏

喜發於心樂散在外暴喜傷陽故神氣憚散而不藏憚驚惕也

愁憂者氣閉塞

而不行

愁憂則氣不能舒故脈道為之閉塞

盛怒者迷惑而不治

怒則氣逆甚者

必亂故致昏迷皇惑而不治不治亂也

恐懼者神蕩憚而不收

恐懼則神志驚散故

蕩憚而不收上文言喜樂者神憚散而不藏與此稍同但彼云不藏者神不能持而流蕩也此云不收者神為恐懼而散失也所當詳辨

○心怵惕思慮則傷神神傷則恐懼自失

破胭脫肉毛悴色夭死於冬

此下言情志所傷之病而死各有時也心藏神神傷

則心怯故恐懼自失胭者筋肉結聚之處心虛則脾弱故破胭脫肉毛悴者皮毛憔悴也下文準此色夭者心

之色赤欲如白裹米不欲如赭也
火衰畏水故死於冬○惛助允切脾愁憂而不解則傷

意意傷則惋亂四肢不舉毛悴色夭死於春

憂本肺之志而亦傷

脾者母子氣通也憂則脾氣不舒不舒則不能運行故
惋悶而亂四肢皆稟氣於胃而不得至經必因於脾乃
得稟也故脾傷則四肢不舉脾色之夭者黃欲如羅裹
雄黃不欲如黃土也上衰畏木故死於春○惋美本切

肝悲哀動中則傷魂魂傷則狂妄不精不精則不正當

人陰縮而攣筋兩脅骨不舉毛悴色夭死於秋

肝藏魂悲哀過

甚則傷魂魂傷則為狂為忘而不精明精明失則邪妄
不正其人當陰縮攣筋兩脇骨不舉者皆肝經之敗也
肝色之夭者青欲如蒼璧之澤不
欲如藍也木衰畏金故死於秋
肺喜樂無極則傷魄

魄傷則狂狂者意不存人皮革焦毛悴色夭死於夏

喜本

心之志而亦傷肺者暴喜傷陽火邪乘金也肺藏魄魄傷則神亂而為狂意不存人者傍若無人也五藏之傷無不毛悴而此獨云皮革焦者以皮毛為肺之合而更甚於他也肺色之夭者白欲如鶩羽不欲如鹽也金衰畏火故腎盛怒而不止則傷志志傷則喜忘其前言腰死於夏

脊不可俛仰屈伸毛悴色夭死於季夏

怒本肝之志而亦傷腎者肝腎

為子母其氣相通也腎藏志志傷則意失而善忘其前言也腰脊不可俛仰屈伸者腰為腎之府也腎色之夭者黑欲如重漆色不欲如地恐懼而不解則傷精精傷

則骨瘦痿厥精時自下

此亦言心腎之受傷也蓋盛怒致云傷腎而恐懼則腎藏之本

志恐則氣下而陷故能傷精腎主骨故精傷則骨痠痿者陽之痿厥者陽之衰命門不守則精時自下是雖腎藏受傷之為病然邪氣藏府病形篇曰愁憂恐懼則傷心上文曰神傷則恐懼流淫而不止義與此通○痠酸

同是故五藏主藏精者也不可傷傷則失守而陰虛陰

虛則無氣無氣則死矣

此總結上文而言五藏各有其精傷之則陰虛以五藏之精皆

陰也陰虛則無氣以精能化氣也氣聚則生氣散則死然則死生在氣而氣本於精故陰陽應象大論曰年四十而陰氣自半者正指此陰字為言也詳陰陽類二當互求之是故用鍼者察觀病人

之態以知精神魂魄之存亡得失之意五者以傷鍼不

可以治之也

此承篇首之問而言凡用鍼者必當察病者之形態以酌其可刺不可刺也設或五

藏精神已損必不可妄用鍼矣故五閱五使篇曰血氣有餘肌肉堅緻故可苦以鍼邪氣藏府病形篇曰諸小者陰陽形氣俱不足勿取以鍼而調以甘藥也根結篇曰形氣不足病氣不足此陰陽氣俱不足也不可刺之觀此諸篇之訓可見鍼能治有餘而不可治虛損明矣凡用鍼者當知所慎也

五藏異藏虛實異病

靈樞本神篇連前章○十

肝藏血血舍魂肝氣虛則恐實則怒

宣明五氣篇曰肝藏魂五藏生成篇

曰人臥則血歸於肝調經論曰肝藏血血有餘則怒不足則恐

脾藏營營舍意脾氣虛

則四肢不用五藏不安實則腹脹經澀不利

營出中焦受氣取汁

變化而赤是謂血故曰脾藏營營舍意即脾藏意也脾虛則四肢不用五藏不安以脾主四肢而脾為五藏之

原也太陰脈入腹絡胃故脾實則腹脹經洩不利調經論曰形有餘則腹脹溼洩不利經當作溼○洩音搜

心藏脈脈舍神心氣虛則悲實則笑不休

宣明五氣篇曰心主脈調

經論曰心藏神神有餘則笑不休神不足則悲

肺藏氣氣舍魄肺氣虛則鼻塞

不利少氣實則喘喝胃盈仰息

喘喝者氣促聲麤也胃盈脹滿也仰息仰面而

喘也宣明五氣篇曰肺藏魄調經論曰氣有餘則喘欬上氣不足則息利少氣

腎藏精精舍志

腎氣虛則厥實則脹

九鍼論曰腎藏精志也調經論曰腎藏志志有餘則腹脹飧泄不足

則厥五藏不安必審五藏之病形以知其氣之虛實謹而

調之也

此與前本神原屬同篇彼言情志損傷此分五藏虛實故凡五藏有不安者必審其病形虛實

情志所屬乃可隨其藏以調之
此總結前章而言其治法也

氣口獨為五藏主

素問五藏別論
○十一

帝曰氣口何以獨為五藏主

氣口之義其名有三手太陰肺經脈也肺主諸氣氣

之盛衰見於此故曰氣口肺朝百脈脈之大會聚於此
故曰脈口脈出太淵其長一寸九分故曰寸口是名雖
三而實則一耳五藏六府之氣味皆出於胃變見於氣
口故為五藏之主義見下文○愚按氣口寸口脈口之
義乃統兩手而言非獨指右手為氣口也如經脈篇曰
手太陰之脈入寸口上循魚際又曰經脈者常不可見
也其虛實也以氣口知之經筋篇曰手太陰之筋結於
魚後行寸口外側經脈別論曰權衡以平氣口成寸以
決死生平人氣象論曰欲知寸口太過與不及小鍼解
曰氣口虛而當補盛而當寫本篇曰氣口何以獨為五

藏主難經曰十二經皆有動脈獨取寸口以決五藏六府死生吉凶之法何謂也曰寸口者脈之大會五藏六府之所終始故取法於寸口也諸如此者豈獨指右手為言耶而王叔和未詳經旨突謂左為人迎右為氣口左手寸口人迎以前右手寸口氣口以前等說自晉及今以訛傳訛莫可解救甚至以左候表以右候裏無稽之言其謬為甚夫肝心居左豈不可以為裏腸胃在右豈不可以言表如仲景為傷寒之祖但曰大浮數滑動者此名陽也沉瀦弱絰微者此名陰也又曰表有病者脈當浮而大裏有病者脈當沉而細又如其上取寸口太陰脈也下取趺陽陽明脈也是皆陰陽表裏之謂初未聞以左為人迎而候表右為氣口而候裏即余初年亦嘗為左表右裏之說所惑及今見多識定乃知脈體自有陰陽諸經皆具表裏凡今之習訛者但見左強便曰外感而攻其表但見右盛便曰內傷而攻其裏亦焉知藏氣有不齊脈候有稟賦或左脈素大於右或右脈

素大於左孰者為常孰者為變或於偏弱中畧見有力已隱虛中之實或於偏盛中稍覺無神便是實中之虛設不知此而執欲以左右分表裏豈左無裏而右無表乎故每致攻伐無過顛倒陰陽非惟大失經旨而遺害於人不小無怪乎脈之日難也此不得不為辨正○再按人迎氣口之脈本皆經訓但人迎為足陽明之脈不可以言於手氣口總手太陰而言不可以分左右如動輸本輸經脈等篇明指人迎為結喉旁胃經動脈愚嘗考之四時氣篇曰氣口候陰人迎候陽五色篇曰人迎盛堅者傷於寒氣口盛堅者傷於食禁服篇曰寸口主中人迎主外經脈終始等篇曰人迎一盛二盛三盛脈口一盛二盛三盛等義皆言人迎為陽明之府脈故主乎表脈口為太陰之藏脈故主乎裏如太陰陽明論曰太陰為之行氣於三陰陽明為之行氣於三陽陰陽別論曰三陽在頭正言人迎行氣於三陽也三陰在手正言脈口行氣於三陰也蓋上古診法有三一取三部九

候以診通身之脈一取太陰陽明以診陰陽之本一取左右氣口以診藏府之氣然則人迎自有其位脈經乃扯人迎於左手而分氣口於右手不知何據何見而云然愚初惑之未敢遽辯及見綱目之釋人迎氣口者亦云人迎在結喉兩旁足陽明之脈也又見龐安常論脈曰何謂人迎喉旁取之近見徐東臯曰脈經謂左手關前一分為人迎誤也若此數君者已覺吾之先覺矣茲特引而正之嗚呼夫一言之誤遺誤千古成心授受何時復正哉立言者可不知所慎乎

岐伯曰胃者水穀之海六府之大源

也五味入口藏於胃以養五藏氣氣口亦太陰也是以

五藏六府之氣味皆出於胃變見於氣口

人有四海而胃居其一是

為水穀之海藏府之屬陽為府陰為藏胃屬陽而為六府之本故云六府之大源然五味入口藏於胃以養五

藏氣故又曰胃為五藏六府之海氣口本屬太陰而曰亦太陰者何也蓋氣口屬肺手太陰也布行胃氣則在於脾足太陰也按營衛生會篇曰穀入於胃以傳於肺五藏六府皆以受氣厥論曰脾主為胃行其津液者也經脈別論曰飲入於胃游溢精氣上輸於脾脾氣散精上歸於肺然則胃氣必歸於脾脾氣必歸於肺而後行於藏府營衛所以氣口雖為手太陰而實即足太陰之所歸故曰氣口亦太陰也是以五藏六府之氣味皆出於胃而變見於氣口故胃為藏府之大源然無不由脾達肺也○見音現故五氣入鼻藏於

心肺心肺有病而鼻為之不利也

氣味之化在天為氣在地為味上文言五

味入口藏於胃者味為陰也此言五氣入鼻藏於心肺者氣為陽也鼻為肺之竅故心肺有病而鼻為之不利觀此兩節曰味曰氣皆出於胃而達於肺既達於肺亦必變見於氣口故氣口獨為五藏主

凡治病

必察其下適其脈觀其志意與其病也

此治病之四要也下言二陰二

陰者腎之竅胃之闕也脈要精微論曰倉廩不藏者是門戶不要也得守者生失守者死故二便為胃氣之闕鎖而係一身元氣之安危此下之不可不察也適測也脈為氣血之先故獨取寸口以決吉凶之兆如平人氣象論曰人無胃氣曰逆逆者死脈無胃氣亦死此脈之不可不察也志意者如本藏篇曰志意和則精神專直魂魄不散悔怒不起五藏不受邪矣是志意闕乎神氣而存亡係之此志意之不可不察也病有標本不知求本則失其要矣病有真假不知逆從則及於禍矣此病因之不可不察也合是四者而會觀之則治病之妙無遺法

拘於鬼神者不可與言至德

陽之靈曰神陰之靈曰鬼張子曰鬼神者

二氣之良能也程子曰鬼神只是一箇造化天尊地卑乾坤定矣鼓之以雷霆潤之以風雨是也然則鬼神者

即天地之靈耳禍福有因惟人自作天地無私鬼神焉
得而蔽之彼昧理者不知鬼神不可媚而崇尚虛無不
求實濟何益之有若此者即與論天人至德必不見信
又何足與道哉故曰信巫不信醫一不治也即此之謂
惡於鍼石者不可與言至巧鍼石之道法三才而調陰
陽和氣血而通經絡故曰
知機之道者不可掛以髮蓋言其至精至微
也而或有惡於鍼石者誠不可與言至巧矣
病不許治
者病必不治治之無功矣不治已病治未病聖人之道
也其有已病而尚不許治者
特以偏見不明信理不篤如拘於鬼神惡於鍼石之類
皆是也既不相信不無掣肘強為之治焉得成功即有
因治而愈者彼亦猶謂
不然總亦屬之無功也

食飲之氣歸輸藏府

素問經脈別論
○卜二

食氣入胃散精於肝淫氣於筋

精食氣之精華也肝主筋故胃散穀氣於肝則

浸淫滋養於筋也

食氣入胃濁氣歸心淫精於脈

濁言食氣之厚者也如陰

陽清濁篇曰受穀者濁受氣者清是也心主血脈故食氣歸心則精氣浸淫於脈也

脈氣流經

氣歸於肺肺朝百脈輸精於皮毛

精淫於脈脈流於經脈流通必由於氣

氣主於肺故為百脈之朝會皮毛為肺之合故肺精輸焉

毛脈合精行氣於府

肺主

主脈肺藏氣心生血一氣一血稱為父母二藏獨居胃中故曰毛脈合精行氣於府府者氣聚之府也是謂氣

海亦曰

府精神明留於四藏氣歸於權衡

宗氣積於肺神明出於心

氣盛則神王故氣府之精為神明神王則藏安故肺肝脾腎四藏無不賴神明之留以為主宰然後藏氣咸得

其平而歸於權衡矣權衡平也故曰
主明則下安主不明則十二官危
權衡以平氣口成

寸以決死生
藏府之氣既得其平則必變見於氣口而成寸尺也氣口者脈之大會百脈俱朝於

此故可以決生死凡如上文所言者皆食氣之所化而
食氣之化又必由於胃氣故上文言食氣入胃下文言

飲入於胃遊溢精氣上輸於脾脾氣散精上歸
胃也

於肺
遊浮遊也溢湧溢也水飲入胃則其氣化精微必先輸運於脾是謂中焦如溫也脾乃散氣上如雲

霧而歸於肺是謂上焦如霧也
通調水道下輸膀胱
肺氣運行水隨而注故肺能通調水

道下輸膀胱是謂水
出高原下焦如瀆也
水精四布五經並行
水因氣生氣為水母凡肺

氣所及則水精布焉然水名雖一而清濁有分清者為
精精如雨露濁者為水水如江河故精歸五藏水歸膀胱

狀而五經並行矣五經五藏之經絡包

合於四時五藏陰陽揆度以為常

也

若是則食飲精氣既得其滋養升降之宜故四時五藏皆合於陰陽揆度以為常也

有子無子女盡七七男盡八八

素問上古天真論○十

附種子說

帝曰人年老而無子者材力盡邪將天數然也

材力精力也天

數天賦之限數也

岐伯曰女子七歲腎氣盛齒更髮長

七為少陽之數

女本陰體而得陽數者陰中有陽也人之初生先從腎始女至七歲腎氣稍盛腎主骨齒者骨之餘故齒更腎為精血之藏髮者血之餘故髮長○愚按男子屬陽當合陽數女子屬陰當合陰數而今女反合七男反合八

何也蓋天地萬物之道惟陰陽二氣而已陰陽作合原不相離所以陽中必有陰陰中必有陽儒家謂之互根道家謂之顛倒皆所以發明此理也如離火屬陽居南而其中則偶是外陽而內陰也坎水屬陰居北而其中則奇是外陰而內陽也震坎艮是為三男而陰多於陽巽離兌是為三女而陽多於陰悟真篇曰日居離位反為女坎配蟾宮却是男是皆陰陽顛倒之義故女子外為陰體而內合陽數男子外為陽體而內合陰數如左傳昭公元年醫和云女陽物而晦時乃亦以女為陽矣此皆醫家常察也○更平聲長上聲下同

二七

而天癸至任脈通太衝脈盛月事以時下故有子

天癸者天

一之氣也任衝者奇經之二也任主胞胎衝為血海氣盛脈通故月事下而有子月事者言女子經水按月而至其盈虛消長應於月象經以應月者陰之所生也○愚按天癸之義諸家俱即以精血為解然詳玩本篇謂

女子二七天癸至月寧以時下男子二八天癸至精氣
溢寫是皆天癸在先而後精血繼之分明先至後至各
有其義焉得謂天癸即精血精血即天癸本末混淆殊
失之矣夫癸者天之水干名也干者支之陽陽所以言
氣癸者壬之偶偶所以言陰故天癸者言天一之陰氣
耳氣化為水因名天癸此先聖命名之精而諸賢所未
察者其在人身是謂元陰亦曰元氣人之未生則此氣
蘊於父母是為先天之元氣人之既生則此氣化於吾
身是為後天之元氣第氣之初生真陰甚微及其既盛
精血乃王故女必二七男必二八而後天癸至天癸既
至在女子則月事以時下在男子則精氣溢寫蓋必陰
氣足而後精血化耳陰氣陰精譬之雲雨雲者陰精之
氣也雨者陰氣之精也未有雲霧不布而雨雪至者亦
未有雲霧不濃而雨雪足者然則精生於氣而天癸者
其即天一之氣乎可無疑矣列子曰有生
者有生者有形者有形者其斯之謂

三七腎氣平

均故真牙生而長極

腎氣即天癸也平均充滿之謂真牙謂牙之最後生者腎主骨故腎

氣平則真牙生而長極

四七筋骨堅髮長極身體盛壯

女子天癸之數七七

而止年當四七正及材力之中故身體盛壯髮長極矣

五七陽明脈衰面始焦髮

始墮

女為陰體不足於陽故其衰也自陽明始陽明之脈行於面循髮際故面焦髮墮

六七三

陽脈衰於上面皆焦髮始白

三陽脈皆盛於面也

七七任脈虛太

衝脈衰少天癸竭地道不通故形壞而無子也

至是則衝任血

少陰氣竭故經水止絕而坤道不通也天癸竭絕故形體衰壞而不能有子矣

丈夫八歲腎氣

實髮長齒更

八為少陰之數男本陽體而得陰數者陽中有陰也髮長齒更義同前

二八

腎氣盛天癸至精氣溢寫陰陽和故能有子

男女真陰皆稱天癸

天癸既充精乃溢寫陰陽和合故能生子子者統男女而言男曰男子女曰女子○愚按有子之道必陰陽合而後胎孕成故天一生水而成於地之六地二生火而成於天之七所以萬物之生未有不因陰陽相感而成其形者此一陰一陽之謂道也至於成男成女之說按北齊褚澄曰男女之合二情交暢陰血先至陽精後衝血開裹精精入為骨而男形成矣陽精先入女血後參精開裹血血入為本而女形成矣啓玄子曰男女有陰陽之質不同天癸則精血之形亦異故自後醫家皆宗其說而近者玄臺馬氏駁之曰男女之精皆可以天癸稱今王註以女子之天癸為血則男子之天癸亦為血耶易曰男女媾精萬物化生故交媾之時各有其精而行經之時方有其血未聞交媾之時可以血言廣嗣諸書皆言精裹血血裹精者亦非此馬氏之說誠是也

又按李東垣曰經水斷後一二月血海始淨精勝其血感者成男四五日後血脈已王精不勝血感者成女朱丹溪曰夫乾坤陰陽之情性也左右陰陽之道路也男女陰陽之儀象也陰陽交媾胎孕乃凝所藏之處名曰子宮一系在上下有兩岐中分為二形如合鉢一達於左一達於右精勝其血則陽為主受氣於左子宮而男形成精不勝血則陰為主受氣於右子宮而女形成若此諸說不同未必皆為確論然以愚見亦有謂焉如王氏以精血為天癸蓋以經文言女子之血男子之精皆隨天癸而至故也此雖未得其真而其義猶不相遠至於褚氏之說則必所不然蓋男女相合兩精和暢本無血至之事惟是結胎之後男以精而孕其元女以血而成其體此以男精女血而謂之構自是正理若以交會之際而言其精裏血血裏精者誠然謬矣此不若丹家以陽精為天壬陰精為地癸者為妥其說曰天壬先至地癸隨至癸裏壬則成男子地癸先至天壬隨至

後者尤差凡寡慾而得之男女貴而壽多慾而得之男女濁而夭何莫非乾坤之道乎知之者豈惟擅璋瓦之權而藍田久無烟焰者不外此也子女生而夭弱者不外此也有子女之念者其留意於是焉 **三八腎**

氣平均筋骨勁強故真牙生而長極

腎水生肝血故筋亦勁強也餘註同

前女子

四八筋骨隆盛肌肉滿壯

男子氣數至此盛之極也

五八腎氣

衰髮墮齒槁

男為陽體不足於陰故其衰也自腎始而髮齒具徵也

六八陽氣衰

竭於上面焦髮鬢頰白

陽氣亦三陽氣也頰班同

七八肝氣衰筋不

能動天癸竭精少腎藏衰形體皆極

肝主筋肝衰故筋不能動腎主骨腎

衰故形體疲極

八八則齒髮去

衰之甚也

腎者主水受五藏六府之

精而藏之故五藏盛乃能寫

腎為水藏精即水也五藏六府之精皆藏於腎非腎

藏獨有精也故五藏盛則腎乃能寫

今五藏皆衰筋骨解墮天癸盡矣故

髮鬢白身體重行步不正而無子耳

凡物壯則老此上文所謂天數也○

解懈同

帝曰有其年已老而有子者何也岐伯曰此其天

壽過度氣脈常通而腎氣有餘也

此天稟有餘即所謂材力也

此雖

有子男不過盡八八女不過盡七七而天地之精氣皆

竭矣

天癸大數女已盡於七七男已盡於八八精氣既竭此外多難於子矣

帝曰夫道者

年皆百數能有子乎岐伯曰夫道者能卻老而全形身

年雖壽能生子也

道者言合道之人也既能道合天地則其材力天數自是非常却老全形

壽而生子固有出人之表而不可以常數限者矣此篇大意帝以材力天數為問而岐伯之答如天癸盛衰者言材力也七七八八者言天數也雖材力之強者若出於數限之外而其所以能出者又何莫非天稟之數乎其有積精全神而能以人力勝天者惟法則天地而合同於道者為能及之也

天年常度

靈樞天年篇全○十四

黃帝問於岐伯曰願聞人之始生何氣築為基何立而

為楯何失而死何得而生

基址也楯材具也○楯音巡

岐伯曰以母

為基以父為楯失神者死得神者生也

人之生也合父母之精而有其

身父得乾之陽母得坤之陰陽一而施陰兩而承故以母為基以父為楛譬之稼穡者必得其地乃施以種種劣地優肖由乎父種優地劣變成乎母地種皆得而陰陽失序者雖育無成也故三者相合而象變斯無窮矣夫地者基也種者楛也陰陽精氣者神也知乎此則知人生之所以然矣

黃帝曰何者為神

岐伯曰血氣已和榮衛已通五藏已成神氣舍心魂魄

畢具乃成為人

則神者陰陽合德之靈也二氣合而生人則血氣榮衛五藏以次相成神明從而

見矣惟是神之為義有二分言之則陽神曰魂陰神曰魄以及意志思慮之類皆神也合言之則神藏於心而凡情志之屬惟心所統是為吾身之全神也夫精全則氣全氣全則神全未有形氣衰而神能王者亦未有神既散而形獨存者故曰失神者死得神者生至於魂魄之義如前本神篇曰隨神往來者謂之魂並精而出入

者謂之魄及諸家得理之論再附於左以詳其義○唐孔氏曰人之生也始變化為形形之靈曰魄魄內自有陽氣氣之神曰魂魂魄神靈之名初生時耳目心識手足運動此魄之靈也及其精神性識漸有知覺此則氣之神也○樂和曰心之精爽是謂魂魄魄屬形體魂屬精神精又是魄魄是精之神神又是魂魂是氣之神○邵子曰氣形盛則魂魄盛氣形衰則魂魄亦從而衰魂隨氣而變魄隨形而化故形存則魄存形化則魄散○朱子曰魂神而魄靈魂陽而魄陰魂動而魄靜生則魂載於魄而魄檢其魂死則魂遊散而歸於天魄淪墜而歸於地運用動作底是魂不運用動作底是魄魄盛則耳目聰明能記憶老人目昏耳聾記事不得者魄衰也又曰人生則魂魄相交死則各相離去月之黑暈是魄其光是魂魂是魄之光燄魄是魂之根柢火是魂鏡是魄燈有光燄物來便燒鏡雖照見却在裏面火日外景金水內景火日是魂金水是魄陰主藏受故魄能記憶

在內陽主運用故魂能發用出來二物本不相離精聚則魄聚氣聚則魂聚是為人物之體至於精竭魄降則氣散魂遊而無所知矣

黃帝曰人之壽夭各不同或夭壽或卒死

或病久願聞其道岐伯曰五藏堅固血脈和調肌肉解利皮膚緻密營衛之行不失其常呼吸微徐氣以度行

六府化穀津液布揚各如其常故能長久

堅固者不易損和調者不

易亂解利者可無留滯緻密者可免中傷營衛之行不失其常者經脈和也呼吸微徐氣以度行者三焦治也

六府化穀津液布揚則藏府和平精神充暢故能長久而多壽也

黃帝曰人之壽百歲

而死何以致之岐伯曰使道隧以長基墻高以方通調

營衛三部三里起骨高肉滿百歲乃得終

禮記百歲謂之期願使道

指七竅而言謂五藏所使之道路如肺氣通於鼻肝氣通於目脾氣通於口心氣通於舌腎氣通於耳是即五官之道路也隨深遠貌基牆指面部而言骨骼為基蕃蔽為牆義見脈色類三十一二等篇凡營衛部里及骨高肉滿若此者即致壽之道故得百歲而終

黃帝曰其氣之盛衰以至其死

可得聞乎岐伯曰人生十歲五藏始定血氣已通其氣

在下故好走

天地之氣陽主乎升升則向主陰主乎降降則向死故幼年之氣在下者亦自下而

也升二十歲血氣始盛肌肉方長故好趨三十歲五藏大

定肌肉堅固血脈盛滿故好步

盛滿則不輕捷故好步矣

四十歲五

藏六府十二經脈皆大盛以平定媵理始踈榮華頰落

髮頰班白平盛不搖故好坐

天地消長之道物極必變
盛極必衰日中則昃月盈

則虧人當四十陰氣已半故髮頰班
白而平盛不搖好坐者衰之漸也

五十歲肝氣始衰

肝葉始薄膽汁始減目始不明六十歲心氣始衰苦憂

悲血氣懈惰故好卧七十歲脾氣虛皮膚枯八十歲肺

氣衰魄離故言善悞九十歲腎氣焦四藏經脈空虛百

歲五藏皆虛神氣皆去形骸獨居而終矣

魄離者形體
衰敗也腎氣

焦者真陰虧竭也此與前篇上古天真論女盡七七男
盡八八互相發明彼以七八言者言陰陽之限數此以

十言者言人生之全數然則人之氣數固有定期而長短不齊者有出於稟受有因於人為故惟智者不以人欲害其天真以自然之道養自然之壽而善終其天年此聖智之所同也今之人非惟不能守其所有而且欲出塵迹數解脫飛升因人惑已因已惑人是焉知無則無極有則有盡而固竊竊然自以為覺亦何異夢中占夢其不覺也亦甚矣

黃帝曰其不能終壽而死者何如

謂不及天數而蚤歿也

者岐伯曰其五藏皆不堅使道不長

使道如上文不長短促也

空外

以張

九竅張露也

喘息暴疾

喘息者氣促暴疾者易傷皆非延壽之徵也

又卑基

墻薄脈少血其肉不石

石堅也

數中風寒血氣虛脈不通

真邪相攻亂而相引

數中風寒表易犯也血氣虛中不足也脈不通經絡多滯也故致真

邪易於相攻然正本拒邪正氣不足
邪反隨之而入故曰相引○數音朔
故中壽而盡也此
形體血氣既已異於上壽則其中壽而盡固有所由此
先天之稟受然也夫人生器局既稟於有生之初則其
一定之數似不可以人力強者第稟得其全而養能合
道必將更壽稟失其全而養復違和能無更夭故知之
者下可以希中中可以希上不老者上僅得其次次僅
得其下矣所謂天定則能勝人人定亦能勝天也夫稟
受者先天也修養者後天也先
天責在父母後天責在吾心

壽夭

靈樞壽夭剛
柔篇○十五

黃帝問於伯高曰余聞形有緩急氣有盛衰骨有大小
肉有堅脆皮有厚薄其以立壽夭奈何

此欲因人之形
體氣質而知其

壽夭也。伯高荅曰：形與氣相任則壽，不相任則夭。任相當也。蓋形

以寓氣氣以充形，有是形當有是氣，有是氣當有是形。故表裏相稱者壽，一強一弱而不相勝者夭。皮與

肉相果則壽，不相果則夭。肉居皮之裏，皮為肉之表，肉堅皮固者為相果，肉脆皮

疎者是為不相果，相果者氣必畜，故壽不相果者氣易失，故夭。血氣經絡勝形則壽，不

勝形則夭。血氣經絡者內之根本也，形體者外之枝葉也，根本勝者壽，枝葉勝者夭也。黃帝

曰：何謂形之緩急？伯高荅曰：形充而皮膚緩者則壽，形

充而皮膚急者則夭。形充而皮膚和緩者氣脈從容，故當壽；形充而皮膚緊急者氣脈促

迫，故當夭。形充而脈堅大者順也，形充而脈小以弱者氣衰

衰則危矣

形充脈大者表裏如一故曰順形充脈弱者外實內虛故曰危

若形充而顛

不起者骨小骨小則夭矣

人之形體骨為君肉為臣君勝臣者順臣勝君者逆顛者

骨之本也故形充而顛不起者其骨必小骨小肉充臣勝君者也故當天

形充而大肉腠堅

而有分者肉堅肉堅則壽矣形充而大肉無分理不堅

者肉脆肉脆則夭矣

大肉腎肉也腠者筋肉結聚之處堅而厚者是也有分者肉中分理

明顯也此言形體雖充又必以肉之堅脆分壽夭其必驗於大肉者以大肉為諸肉之宗也故凡形充而腎削者必非福壽之兆○

腠切腎音脈

此天之生命所以立形定氣而視

壽夭者必明乎此立形定氣而後以臨病人決死生黃

帝曰余聞壽夭無以度之

度入聲

伯高荅曰墻基卑高不

及其地者不滿三十而死其有因加疾者不及二十而

死也

墻基者面部四旁骨骼也地者面部之肉也基墻不及其地者骨衰肉勝也所以不壽再加不慎而

致疾其夭更速故不及二十而死也○按五色篇曰明堂者鼻也闕者眉間也庭者顏也蕃者頰側也蔽者耳

門也其間欲方大去之十步皆見於外如是者壽必中百歲詳脈色類三十二

黃帝曰形氣之

相勝以立壽夭奈何伯高荅曰平人而氣勝形者壽

之人

生死由乎氣氣勝則神全故平人以氣勝形者壽設外貌雖充而中氣不足者必非壽器

病而形肉

脫氣勝形者死形勝氣者危矣

若病而至於形肉脫雖其氣尚勝形亦所必死

蓋氣為陽形為陰陰以配陽形以寓氣陰脫則陽無所
附形脫則氣難獨留故不免於死或形肉未脫而元氣
衰弱者形雖勝氣不過陰多於陽病必危矣○按本篇
大義乃自天稟為言又如五常政大論以陰陽高下言
人壽夭則地勢使然又不
可不知也詳運氣類十六

人身應天地

靈樞邪客
篇○十六

黃帝問於伯高曰願聞人之肢節以應天地奈何

四肢
骨節

也伯高荅曰天圓地方人頭圓足方以應之

圓者徑一
圍三陽奇

之數方者徑一圓四陰偶之數人首屬陽居
上故圓而應天人足屬陰居下故方而應地

天有日月

人有兩目

天有日月而照臨萬方
人有眼目而明見萬象

地有九州人有九竅

九州者荆梁雍豫徐揚青兗冀也九竅者上有七竅下有二陰清陽出上竅而有陽中之陰陽濁陰出下竅而

有陰中之清濁和風甘雨天之喜天有風雨人有喜怒推拉霖潰天之怒天有雷

電人有音聲陰陽相搏天地發為雷電天有四時人有

四肢四肢者兩手兩足也天有五音人有五藏五音者宮商角徵羽五藏者心肺脾

肝天有六律人有六府六律者黃鍾太蕤姑洗蕤賓夷則無射為六陽律大呂夾鍾仲

腎呂林鍾南呂應鍾為六陰律六府者胃膽大腸小腸三焦膀胱也天有冬夏人有寒熱

寒應冬熱應夏也天有十日人有十指十日者甲乙丙丁戊巳庚辛壬癸是謂天

干故應人之手指辰有十二人有足十指莖垂以應之女子不

足二節以抱人形

十二辰者子丑寅卯辰巳午未申酉戌亥是謂地支故應人之足指足指

惟十并莖垂為十二莖者宗筋也垂者舉丸也女子少此二節故能以抱人形抱者懷胎之義如西北稱伏雞

為抱者是也

○舉音高

天有陰陽人有夫妻

天為陽地為陰夫為陽妻為陰故曰夫乃

婦之天

歲有三百六十五日人有三百六十節

節骨節也

地有

高山人有肩膝

肩膝骨大而高故以應山

地有深谷人有腋臑

腋臑深陷

故以應谷

○臑音國

地有十二經水人有十二經脈

詳見經絡類三十二

地

有泉脈人有衛氣

泉脈出於地下衛氣行於肉中

地有草蓂人有毫毛

蓂莢瑞草也堯時生於庭隨月彫榮朔後一日莢生望後一日莢落歷得其分度則蓂莢生

天有晝

夜人有卧起

晝為陽人應陽而動夜為陰人應陰而靜

天有列星人有牙齒

齒牙疏朗故象似列星說文云牙壯齒也一曰銳者為牙齊者為齒上古天真論以女子三七男子三八則真

牙生而長極是以前生之小者為齒也故男子八月生齒

八歲而齠女子七月生齒七歲而齠齠毀齒也○齠抄近切

地有小山人有小節

小

者小骨指節之類

地有山石人有高骨

高骨者顛肩膝踝之類

地有林木

人有募筋

募者筋脈聚畜之處○募音募

地有聚邑人有腠肉

腠肉者脂肉之

聚處也○腠助允切

歲有十二月人有十二節

四肢各三節是為十二節

地有

四時不生草人有無子

地有不毛之地人有不育之人

此人與天地相

應者也

人身小天地
即此之謂

婦人無鬚氣血多少

靈樞五音五
味篇〇十七

黃帝曰婦人無鬚者無血氣乎岐伯曰衝脈任脈皆起

於胞中上循背裏為經絡之海

凡男婦之有鬚無鬚者
皆由於衝任二脈之血

有盛衰也衝任為經絡之海其起脈之處則在胞中而
上行於背裏所謂胞者子宮是也此男女藏精之所皆
得稱為子宮惟女子於此受孕因名曰胞然衝任督脈
皆起於此所謂一原而三歧也〇胞義詳氣味類三子

官命門詳義具附翼三
卷三焦包絡命門辨中

其浮而外者循腹右上行會於

咽喉別而絡脣口血氣盛則充膚熱肉血獨盛則澹滲

皮膚生毫毛

衝任陰脈也故循腹右上行然左乳之下則有胃之大絡此正左陽右陰相配之妙

也詳脈色十一

今婦人之生有餘於氣不足於血以其數脫血

也衝任之脈不榮口脣故鬚不生焉

數脫血謂血不留而月事以時下也

衝任為血之海鬚為血之餘血不足則衝任之脈不榮於口而鬚不生矣○數音朔

黃帝曰士人

有傷於陰陰氣絕而不起陰不用然其鬚不去其故何

也宦者獨去何也願聞其故

陰不用者陽痿不舉也此言士人之陰傷而絕者鬚

尚不去阿宦官之血不常脫而鬚獨無也

岐伯曰宦者去其宗筋傷其衝脈

血寫不復皮膚內結脣口不榮故鬚不生

士人者陰氣雖傷而宗筋

未壞彼宦官者去其宗筋則傷其衝脈矣血一寫而不能復皮膚內結而經道不行故衝脈不禁於口而鬚不生

生也黃帝曰其有天宦者未嘗被傷不脫於血然其鬚不

生其故何也

謂身為男子而終身無鬚若天生之宦官然故曰天宦

岐伯曰此天

之所不足也其任衝不盛宗筋不成有氣無血脣口不

榮故鬚不生

天之所不足言先天所稟有任衝之不足者故亦不生鬚也

黃帝曰善

乎哉聖人之通萬物也若日月之光影音聲鼓響聞其

聲而知其形其非夫子孰能明萬物之精

日月有光見影可識音聲

有應聞響可知惟聖人者能明物理之精故因此可以知彼因外可以知內也

是故聖人視其

顏色黃赤者多熱氣青白者少熱氣黑色者多血少氣

黃赤者為陽青
白黑者為陰也

美眉者太陽多血通髻極鬚者少陽多

血美鬚者陽明多血此其時然也

在頰曰髻在口下及
兩頤者曰鬚在口上

曰鬚凡此所言者
即其經行之地

夫人之常數太陽常多血少氣少陽


常多氣少血陽明常多血多氣厥陰常多氣少血少陰

常多血少氣太陰常多血少氣此天之常數也

十二經
之血氣

多少各有不同兩經所言之數凡三皆有互異意者氣
血多少四字極易混亂此必傳錄之誤也當以索問血
氣形志篇者為是

詳見經絡二十



類經卷三